


飄萍編著

新俄國之研究

慧子題簽



吳應圖編

工商必讀之書

外國匯兌詳解

特色

詳理論質踐

採通用名字

就我國現狀

講匯兌行情

匯兌意義

匯兌市價

匯票摘要

匯兌平準

市價算法

互匯市價

市價變易

餘目甚多

不及備載

商業政策

湖南吳瑞譯
定價洋九角

我國商業，不能與外國競爭，實因缺指導經商之名作，本書評論關於商業之政策，讀之可使我國商業，有向上之機會，不獨商人須讀之，即關於高等之立法家政治理家教育家，均不可不取而讀之。

實驗工藝全書

全書四冊一元七角

我人均想發財，均要學工藝，但無完全可以實驗之工藝書，本書則補其缺憾，一切輕而易舉，本輕利重之物品，都詳述其造法，並有預算，可資啟鑑。

上海四馬路

泰東圖書局出版

定價二元

D751.20
30

新俄國之研究目錄

緒言

第一章 俄國思想界變遷之概畧

第二章 社會運動團體之勃興

第三章 布爾薩維克之語源

第四章 布爾薩維克之目的與手段

第五章 帝政覆亡與凱林斯克之執政

第六章 布爾薩維克政府之出現

第七章 勝利後之兩種布告

第八章 布爾薩維克之精神



- 第九章 勞農政府之政治組織（上）
- 第十章 勞農政府之政治組織（下）
- 第十一章 勞農政府之經濟設施（上）
- 第十二章 勞農政府之經濟設施（下）
- 第十三章 勞農政府之軍隊編制
- 第十四章 勞農政府之教育事業（上）
- 第十五章 勞農政府之教育事業（下）
- 第十六章 勞農政府之施政之成績
- 第十七章 各國駐兵與撤兵
- 第十八章 俄國舊黨失敗之因果
- 第十九章 勞農政府之外交

第二十章 通商歟？承認歟？

第二十一章 通商而又承認之滑稽

第二十二章 俄國社會之最近情形

第二十三章 列甯評傳

第二十四章 却羅斯克評傳

餘論

附錄

新法國之研究

目

錄

新俄國之研究

緒言



(南)



俄國以其歷來政治與社會之種種特別原因。遂釀成一革命之風潮。列寧等利用機會。確立所謂勞農政府。以實行平素所主張之社會主義手段。猛烈。成效昭著。社會主義革命之聲。使各國政府聞而驚懼。欲一致撲滅之。然又歸於失敗。於是勞農政府之屹然不動。且急遽以施行社會主義者。業已三年。各國政府雖嫉之。而各國中之社會黨。却與之表同情者。不少焉。此各國今日之對俄所以有承認與干涉。皆無所可之態度也。

俄之壤土。與我國西北相接。外交上關係之重要。夫人知之。故俄國今日所行之主義。其善惡良否。爲別一問題。政府與國民。欲求對俄外交之適當。自以研

究俄事爲第一要着。况俄國今日所實行之社會主義，非獨在俄國之政治與社會中爲空前之創舉，實世界歷史上之一新紀元。今後果見社會主義之成功，其影響於世界將較諸美國獨立法國革命之威力爲尤著。然則我國朝野無論在外交上有研究俄事之必要，而對此世界空前之奇劇生活於此世界中之國民胥不可不具正確之理解，又豈待言。

曩聞國人對於俄事深爲注意，曾草「俄國新政之過去現在未來」一文，載諸海內各報，顧以限於篇幅，未免過簡。方今一般國人，非但苦於難悉俄事之真相，且以某方面外交作用故意訛傳之結果，對於革命後之俄國，每疑爲奇離怪誕，非人間之生活。如所謂婦女國有之謠言，其一例也。記者欲貢獻國人以判別俄事之常識，且爲政府外交國民外交萬一之助，爰再以蒐討所得者，東鱗西爪，集爲一編，且畧兼歷史順序之體系，舉革命後勞農新俄國之政。

治經濟社會外交繁榮諸大端成二十四章題曰「新俄國之研究」海內留心俄事者乞省覽焉。

又本書附錄中最有研究之價值者爲美國派使勃烈脫等之調查報告書全文。此項調查報告在一九一九年四月（去年）去今業已一年無論一年之中俄事已較其所報告者爲進步然卽就此報告書研究之俄人之如何百折不回與種種困難交戰吾人可以窺見俄國國民性之一斑而謂到寧派已成爲其國內溫和之共產黨尤足知某方面所傳如何可怖之手段爲不盡實也。因欲促讀者之注意特附記數言於此。

第一章 俄國思想界變遷之概略

吾人欲研究新俄國之內容不能不一追溯其思想界變遷之概畧以明社會革命思想所自來大抵俄國所以演成今日社會政治兩方同時革命之活動

者其原力一爲歐洲思想之輸入。一爲專制帝政所激成。更因歐戰延長。多數人民饑寒逼迫。遂遇爆發而不可遏之機會。

俄國社會革命思想之淵源。遠在十八世紀之末葉。其時思想家之秘密團體已具民衆解放之精神。與專制政府相抗。英國之楷斯搭費爾特卿於一七五三年旅行俄國。已驚其國民反抗政府思想之鬱勃。依其報告。謂係受盧梭等法國思想之感化。故播種俄國革命思想之種子者。乃法國思想家也。其後此種反抗政府之思想。日益發達。政府復用高厭之手段。以激刺而培養之。幾半於政府虐政之下者。何止數千萬人。證以彼有名亞歷山大海爾文氏之言曰。『俄國思想家之歷史。乃殉教者及犯罪人之浩瀚記錄也。』云云。可以見俄國思想家與專制政府惡鬥苦戰。慘淡情形之一斑。而爲此大聲疾呼之海爾文氏。其後自身亦陷同一之境遇。以因果之理衡之。今日俄國皇室貴族官吏。

富豪所以贏得如是之悲運。亦大半由於自造耳。茲欲明俄國革命思想變遷之順序。依便利而劃分爲三時期如左。

第一期 爲受法國啓蒙思想影響之時代。（即盧梭等之啓蒙哲學）例如諾依哥氏從社會倫理學之見地而攻擊卡塞拉因二世之外交政策。遂至下獄。又如拉狄依啓夫氏著「自莫斯科至彼得格拉之旅行記」反對專制主義。鼓吹農民覺悟之必要。遂處死刑。皆此時代之思想家也。

第二期 爲受海格爾等及其他國德浪漫哲學影響之時代。此時代之進步。不僅反對專制主義而止。且從哲學對於所謂「政府」之爲物。其意義與價值。加以嚴正之批評。著名之巴古寧及愛查可夫等。即起於此時代者。

第三期 卽受馬克斯等唯物主義、及社會主義影響之時代。此爲一八七

○年至一八八〇年以後之事在一八六〇年至一八七〇年之間。虛無主義極盛一時。此種主義因社會主義思想之發達漸溶化於其中。社會主義乃特形發達以至於今日。

上所述者爲俄國思想界變遷之概畧。下章再進述因思想家結合而組織之團體。以明今日新俄國中心勢力之所自出焉。

第二章 社會運動團體之發達


俄國社會運動之結社最初曰「Narodniki」（俄語乃爲民之意）中經數變。（如巴古寧等之運動）而爲「土地與自由」之結社。乃一八七六年間俄國社會主義者唯一之團體也。至一八七九年分而爲二。其一曰「人民之意」主張以陰謀虐殺爲遂行政治的革命之手段。與之反對者則爲樸雷哈諾夫（注一）之少數派 Black Redivision。此兩者遂成俄國社會黨之兩大系。

統。

(註一) 樸雷哈諾夫 George Plechanof 以一八五七年生於但波夫縣。少年時代即為「土地與自由」結社著名之會員。十九歲時，曾以有名之演說，攻擊俄帝政府。其最初發表之論文『曰經濟的發展之法則與社會主義之諸問題』，其後復著『進於社會革命運動之俄國農民與階級鬭爭』及『無政府主義與社會主義』，又關於馬克斯學說等著述，聞名於世界。一九〇五年至一九〇六年間，其全集兩卷出版。彼實馬克斯派社會主義之一大理論家也。一九一九年（昨年）逝世。

「人民之意」一派，其後即為社會革命黨。樸雷哈諾夫之少數派，其後即為社會民主黨。社會革命黨，以農民之勞力為基礎。社會民主黨，以工場勞動者之勞力為基礎。而遵奉馬克斯社會主義。（德國馬克斯派亦稱社會民主黨。）至一九〇五年，社會革命黨方面分而為二，嗣又分而為四。故今日俄國社會革命黨有中央派、右派（註二）、左派、極左派之別。在社會民主黨方面，至一

九〇三年分而爲二。（注意）一九〇五年曾爲一次之復合。至一九〇七年而又分。今則有統一團（即樸雷哈諾夫所指導者）、列寧派、却羅斯克派、國際派、護國派等五者。試立表如左。（註三）



上述社會黨兩大系統而外。尙有米留可夫所統率之立憲民主黨。乃純以改革政治爲目的之結社。不與於社會革命之列。與一九一七年之政治革命有重要關係。（見後）故特揭之。又俄國社會運動之中心人物。其初爲樸雷哈諾夫。即社會民主黨之創始者。啓惠爾諾夫則社會革命黨之首創者（今爲社會革命黨中央派首領）。皆讀者所當記憶也。

（註二）社會革命黨右派之首領爲凱林斯克 Kernsky 即一九一七年革命後組織臨時政府而爲列寧等所推倒者。

（註三）俄國之大部分皆爲農民。故無論何種運動。皆不能離農民而存在。社會民主黨雖以工場勞動者勢力爲基礎。其後亦兼農民之色彩。惟較社會革命黨之色彩爲稍淡薄。

第二章 布爾薩維克之語源

前章言社會民主黨。至一九〇三年分而爲二。所以特請讀者諸君注意者。因

此即布爾薩維克名稱之由來。日人以偏見而故意名之曰「過激派」甚無謂也。

社會民主黨遵奉馬克斯派社會主義。既如前述。一九〇三年該黨開會於瑞士。（後亦曾開會於倫敦）討論所以實行馬克斯主義之手段。其時樸雷哈諾夫等主張與有產階級妥協。加入議會爲政治之運動。以達實行馬克斯社會主義之目的。列寧等激烈反對之。主張排斥一切有產階級勞動者以外。不許干預政權。力言非此不能從資本主義一變而爲社會主義。學者每稱前者爲妥協派。而稱列寧等爲非妥協派。蓋以此也。兩方討論之結果。贊成列寧等非妥協之主張者佔多數。而贊成樸雷哈諾夫等妥協之主張者少數。於是社會民主黨乃分爲布爾薩維克 Bolshevik (註四) 與孟薩維克 Menshevik 兩派。所謂布爾薩維克之語源。乃俄語多數派 Bolshinstvo 之音。而孟薩維

克。則俄語少數派 Menshinstvo 之意，列寧等爲社會民主黨之布爾薩維克。應稱之爲社會民主黨之多數派，方適合於原語之意。吾人不敢謂完全贊同其主義與其手段。然如日人之加以曲解而謚之爲「過激派」，則亦可以不必。

關於「過激」云云之用語，頗有一段有趣味之談話。四月三日，日本某報載其特派員往訪勞農政府（註五）外交之一代表者。該特派員首問勞農政府之外交代表云：勞兵會以「社會主義的全世界革命」之標語，盛行露骨使用之。此種標語不僅脅迫外國人（如日本之大多數人），豈非與勞農政府對於各國講和之提議相矛盾乎？……勞農政府之外交代表答曰：吾人並不欲強行宣傳其思想於他國國民，乃今次講和提議書中所明記者也。以吾思之，則俄國今日方受日本「過激的軍國主義」所脅迫耳。吾信以俄國之道

激主義與日本之過激的軍國主義。依兩國在極東之共同利害關係上，應謀和之而使兩國國民長享平和之幸福云云。其言亦可謂深刻極矣。

(註四)布爾薩維克中有爲之首領之列寧派 Leninsts 與今日同爲勞農政府中心人物之羅斯克派 United Internationalists 二者。

(註五)俄國勞農政府並非單純由布爾薩維克所組織，尙加入社會革命黨之左派與極左派(但以後又有變更)惟以布爾薩維克爲中心勢力故吾人仍視之爲布爾薩維克勞農政府。

第四章 布爾薩維克之目的與手段

布爾薩維克爲社會民主黨之一派。社會民主黨乃遵奉馬克斯派社會主義者。所謂馬克斯派社會主義乃國家社會主義。民主社會主義。故不否認參加議會之政治運動。樸雷哈諾夫所以主張與有產階級妥協。參加於議會。蓋於此點自信爲誠確遵奉馬克斯社會主義。且以此爲科學的社會主義與無政

府主義之分界者。列寧等之布爾薩維克反之排斥一切有產階級而要求勞
動者之獨執政權學者每以之爲近於無政府主義。且以之爲近於散狄克里
思姆（註六）因若依其主張則所謂國民者非全體之國民乃勞動者耳。換言
之彼等之國家勞動者所支配之國家耳。但於此點須分別目的與手段而下
判斷。要求勞動者獨執政權爲布兒薩維克之唯一特質而可求得與馬克斯
主義同一之點即馬克斯社會主義亦有勞動者執政之要求也。馬克斯派『
共產黨宣言』第二章有曰『一切階級撤廢自是自身（勞動階級）之優
越地位亦撤廢』蓋明明以勞動者執政爲撤廢一切階級之手段而不以勞
動者執政爲目的也。列寧等勞動者獨執政權之主張目的乎手段乎列寧則
言以此爲手段却羅斯克亦言以此爲手段即目的在於社會主義之實現而
實現之手段則用勞動者獨執政權所謂社會主義之先行條件是也。

證以一九〇六年社會民主黨會議之時。列寧主張以土地爲國有。產業集中於國家。生產機關爲國家所支配。凡此社會主義之要件。皆布爾薩維克之目的。却羅斯克一九〇六年之著述。亦力說主張馬克斯社會主義。然則布爾薩維克者。與無政府主義及散伙克里力姆毫不相似。依然馬克斯之社會主義而已。

至於列寧等所用之手段。有不能純粹一貫之處。而時亦取與他派妥協之態度。又有因妥協而緩和之趨勢。例如知識階級人物之採用。許資本家以限制的利用資本。及因技術不同。而工銀分別高下等。皆以行之難通。而稍事遷就者。或謂其主義之變更與矛盾。然須知所謂妥協緩和云者。仍以其主義爲中心。並未中止其向社會主義之目的以前進也。

(註六)散伙克里思姆。Syndicalisme 為發生於法國。主張取經濟的直接行動。而以產業公有。

治爲目的（否認議會政治且否認國家）之勞働團體主義美國之 I·W·W·亦其一
種 (the Industrial Workers of the World)

第五章 帝政覆亡與凱林斯克之執政

俄國自一八九九年以來。樸雷哈諾夫與啓惠爾諾夫。既各組社會民主黨與社會革命黨。此外尚有米留可夫所組織之立憲民主黨等。社會的政治的運動之勢力。旣日見其盛大。政府方面。則恃其軍隊之威力。仍取高壓之方針。形勢遂愈覺其緊迫。日俄戰爭之役。俄國大敗。而帝制政府之威力頓挫。兩相因果。至有一九〇五年之革命。其結果則專制政府約行立憲政治。以緩和政治革命之運動。而對於社會主義的運動。依然壓迫而無所稍寬。一九〇六年之總選舉。社會民主黨與革命黨。以不滿於選舉法之故。而不加入之。然俄國以受多年社會運動之影響。一方產業逐漸發達。而都會亦日形發展。此次舉選。

之結果農夫及勞動者之代表當選者達一百〇七名其次爲一九〇七年之第二回選舉社會革命與民主兩黨聯合而爲選舉之運動五百二十四議員名額之中社會黨佔一百三十二名政府欲加以限制致解散議會另定有利於貴族地主富豪之選舉法社會黨遂僅得十四名之議員於是社會黨大憤感大聲疾呼澈底的攻擊政府而政府復以威力隨之依翌年（一九〇八年）之統計被放逐於國外者七萬人處死刑者七百八十二人流謫於西伯利亞者十八萬人可以知其壓迫之程度正當惡戰奮鬥之際世界大戰適於此時發生多數之社會黨員固亦如各國社會黨之戰爭是認然少數者當對德開戰之際竟公然反對之不贊成戰爭軍費之案故有社會黨議員五名處終身流刑之事。

世界大戰轉瞬經年少數階級之豐衣足食固不感其痛苦而一般民衆則受

食糧缺乏物價飛騰之影響。怨聲載道。咸婦咎於專制政府之驥武。社會革命黨與立憲民主黨乘此時機先後繼起。一九一七年三月俄國革命之聲驚動世界極端專制之帝國政府於是乎與世界永別而成爲俄國歷史上之一名詞。

此次三月革命之主動者爲立憲民主黨（見第二章末段）與社會革命黨。純爲對於俄帝政府政治革命之性質（註七）立憲民主黨之首領爲新內閣之中心社會革命黨右派首領凱林斯克。則據司法總長之閣席告政治革命之一段落當時俄國情形僅得政治上之自由不能遽認爲滿足內閣更迭社會革命黨之凱林斯克乃繼起而組織內閣其閣員分子則社會黨八名而立憲民主黨六名是爲凱林斯克內閣執政之時代。

（註七）十月脫黨（即立憲民主黨）之主要黨綱僅爲言論自由、集會自由、等政治的自由之要

求不出政治一步。

第六章 布爾薩維克政府之出現

凱林斯克執政而後俄國一般民衆之傾響已漸由政治革命而進於社會革命之時代。彼之地位處於有產階級與勞動階級之間。自信爲絕好之位置。欲謀兩種階級之妥協。以發揮其才能。因是態度不免於暗昧。不能繫社會黨之信望。一方則信奉議會。且欲得聯合國援助之故。仍取對德續戰之方針。此時國內饑饉之情形。人民早厭有戰事。因是大背國民之期望。內閣之中意見不一。凡事皆見其困難。凱林斯克本以勞兵會爲其根據之中心。（勞兵會Soviet最初始於一九〇五年。至是而勞動者、農人、兵士乃聯絡爲一。並非列寧等始組織者。）乃因與有產階級携手之故。大招該會之反感。利用勞兵會之凱林斯克致仍失敗於勞兵會之手。又在軍事方面。凱林斯克以本其平素廢止

死刑之論。實行廢止死刑。其結果則前敵軍隊秩序大亂。遂有哥兒尼羅夫軍反叛之變。列寧等適皆蒙特赦而歸國。一九一七年十一月七日革命再起。凱林斯克敗走。至十一月八日而布爾薩維克之勞農政府遂見其出現。以至於今日。

與列寧同爲勞農政府中心人物之却羅斯克曾手記「自十一月革命至與德單獨講和。結普萊斯脫條約止」之事實。公布於世。所述十一月革命成功之經過。茲節錄之。以明真相。却羅斯克之言曰。革命後之俄國。社會黨與自由派（即立憲民主黨）聯合。固以全俄之統一協同爲目的。然彼等以所謂人道主義之愚論。代替階級之戰。不啻以智識階級陳腐之政治學。自飾其無能。吾人與若輩相異之點。即在一爲主張階級之戰。一爲主張所謂人道的愚論。也。然彼等最初頗見其成功。與吾人同派之勞動者。至皆同情左袒於彼等。當

勞兵會之組織也。以其中兵士與勞働者皆無智識之故。屬於彼等之能解文字之技師、新聞記者、法律家等。皆被舉而爲其代表者。從來不值一顧之中產階級。至一躍而握國家之政權。彼等以聯合國之關係不敢中止對德之戰爭。而兵士非常之不平。以起吾人乘此時機。力言俄國舊政府以強欲從事於無用之戰爭。故倒之而代以新政府。今新政復不能中止戰爭。則非爲吾人之友而爲吾人之敵。亦不可不速倒之。此說既漸佔勢力。適其時以俄國戰況之不佳。吾人乃益處於有利之地位。第一次之示威運動。雖全見其失敗。復有第二次之示威運動。欲包圍臨時政府。舉啓惠爾諾夫（社會革命黨首領）等。悉捕縛之。不幸事敗被捕。列寧逃至芬蘭。（却羅斯克會於此時下獄）然其後以凱林斯克事事不能徹底之故。吾人之勢力日益增大。列寧自芬蘭歸。開秘密會議。凱林斯克尙立於勞兵會與哥兒尼羅夫之間。旁皇而無所決。吾人

於十一月六日復開始攻擊。十一月七日遂以武力顛覆臨時政府而掌握俄國之實權云云。

觀於上之所述。俄國一九一七年三月之革命乃純爲政治革命。凱林斯克繼之而組織聯立內閣。（注八）則立於政治革命與社會革命之間。故有產階級與勞働階級皆不滿意。列寧等布爾薩維克之十一月革命（各書亦有記爲九月革命者）乃純爲社會革命。（注九）先與德國單獨講和。以副一般人民之希望。極端引用馬克斯所謂階級爭鬪之說。主張排斥一切有產階級而以勞働者獨執政權。其成功之速實原於此。

（註八）凱林斯克組織內閣時。曾一時的使社會革命與社會民主兩黨合同。故其內閣中實舍立憲民主黨及社會革命與社會民主兩黨之閣員分子。謂爲聯立內閣。惟列寧爲社會民主黨之極左派。其主張與凱林斯克極端反對。

(註九)十一月革命之役。至十一月八日，俄都悉定佔領米莉宮殿（冬宮）。列寧為人民委員會首長（即總理同等）而却羅斯克為外務長官（現為陸軍長官）。凱林斯克曾率兵反攻，大敗而逃。

第七章 勝利後之兩種布告

列寧等之革命既告成功。其第一日即開人民委任者（代表）會議。以布告平和及土地之兩大問題。觀於却羅斯克之手記俄國革命史中所述，署謂吾人在彼得格拉完全勝利而後收拾完全政權於軍事革命委員會之手。發表廢止死刑、新選舉軍隊委員及其他種種布告。十一月八日（即勝利後之第一日）開彼得格拉代表者會議。全俄代表者議會之代表、守備隊會議委員、及我黨之多數會員均出席。實最關重要之會合也。列寧以關於平和及土地之兩種布告提出於斯會。經稍加討論之後，即滿場一致以採用之。於是見：

新中央權力」即「人民委任者會議」之形成云云。

前述之兩種布告乃列寧等之新政府最關重要之新政策。關於平和者即對德中止戰事。速為民主的講和關於土地者即廢除土地私有之制以所有權無賠償移轉於國家之手。皆農民之所熱望。勞動者兵士等所最歡迎之事。依却羅斯克之所記述。其時有產階級及鐵路郵局電局等之高級官吏與夫舊軍隊委員市鄉村議會及地方議會等悉處於反對地位。固不待言。故列寧等先掃蕩一切舊有勢力悉收政權於勞兵會（Soviet 或勞兵農會又稱勞工會僅勞動者自作農夫與屬於勞農政府之海陸軍士有選舉權及被選舉權所以實行勞動者之獨裁政治其組織法參看第十章）一方實行其主義執此以為達於社會主義之手段一方即以排斥反對階級而鞏固其政權可謂一反凱林斯克之所為而鑒其首鼠兩端之覆轍也。

勞農政府對於德國之單獨講和及對於一般平和之締結。經第二次全俄代表者會議採決平和布告而後即於十一月二十日以無線電通告於敵國及聯合國。當時聯合國方面切勸其難行。復於十一月二十四日發出答覆聯合國抗議之宣言。至十二月五日而全戰線結休戰之條約。十二月二十二日和平之商議開始。更對聯合國進平和商議之言。一九一八年一月遂對德簽字。曾萊斯脫之平和條約。

自革命勝利以來。着着設施步步奮鬥。至一九一九年春。計其勢力鞏固之地已達三十州左右。人口約六千萬。面積達九十四萬三千九百餘方哩。一九一八年三月遷其中央機關於莫斯科。以此爲新俄國首都之地。

以下各章再歷述其對內對外之種種關係。彼世人所傳專事激烈破壞之說。殆有未盡然者。其因欲實行社會主義而施不得不然之手段。亦不容斷章取

義。以一局部而論其是非也。

第八章 布爾薩維克之精神

以布爾薩維克爲中心勢力之勞農政府。吾人欲觀察其政治組織、經濟組織之內容。可先將其宣言書加以解剖。即發見布爾薩維克主義之精神。該宣言書係一九一八年一月十八日發表於憲法會議者。其後即爲勞農政府憲法之基礎。宣言書之要點如左。

- 一、俄國爲勞兵農會之共和國。中央政府及地方之政權悉收集於勞兵農會及中央執行會之手。
- 二、俄國勞兵農會共和國以各民族勞兵農會之共和聯邦與各民族之自由同盟爲根據。而建築於其上。
- 三、廢止土地私有權。

- 四、設定勞動者監督權。以工場、鐵路、礦山爲國有。
- 五、公布勞動者義務制。（註曰：不勞動者，不宜食之格言。）
- 六、組織勞農者赤色近衛軍。（赤衛軍）解除資本階級之武裝。
- 七、排除秘密外交，獎勵全世界各國勞農間相互之交歡。主張非賠償、非併合及民族自決之民主的原則。
- 八、廢除對於小民族殖民地之壓制。贊同芬蘭獨立。波斯撤兵及亞爾美尼亞自治之聲明。
- 上之諸點試加以學理之解剖。則一二兩項乃中央集權主義。三四五六各項乃由資本主義而變爲社會主義。七八兩項則純採國際主義。此布爾薩維克精神之所寄。

當一九一八年一月十八日憲法會議之開會也。勞兵農會執行會委員長斯

佩爾却羅夫氏。宣布上述之宣言。求該會議之承認。溫和社會黨反對之。且攻擊布爾薩維克之侵奪政權。列寧親自出馬。大主張其理由。其終以勞農政府之宣言付諸投票表決。贊成者一百四十。而反對者二百七十三。歸溫和派之勝利。蓋當時憲法會議之中。溫和派實佔多數。（南俄方面殆佔九成）翌十九日。勞農政府遂下解散憲法會議之命令。其理由即在中產階級分子之過多。漸實行其勞動者無產階級獨執政權之手段。

列寧等主張中央集權。實則更主張執政權於一人之手。蓋以俄國國民知識程度之不足。故自居於指導之地位。而欲實行社會主義。必為中產階級所反對。故排斥一切反對者。恒用激烈之手段。然其目的之在實行社會主義。與專制自私者不同。觀其改造教育之設施。大開人民求學自由之路。此必非專制愚民者之所為也。

第九章 勞農政府之政治組織（上）

勞農政府之政治組織。依於前章宣言之精神。以勞兵農會爲中心。勞兵農會以都市勞兵農會與地方郡部之勞兵農會爲單位。從此等勞兵農會選出代表議員。以構成全俄勞兵農會。是爲最高之機關。一年開會兩次。或此外再開臨事會議。該最高機關又選舉二百名以內之人。爲全俄中央執行會。此執行會更任命各部長官。各長官對於執行會及全俄勞兵農會負責任。此實全世界一種最新之政治組織也。

惟其中有須注意之點。都市與地方郡部之選舉全俄勞兵農會。其名額與人口之率大不相同。在地方郡部。須人口十二萬五千人。始得選出代議員一名。在都市。則僅須人口二萬五千人。即得選出代議員一名。因列寧等派之勢力多在都市。（勞動）而地方郡部較弱。故以此法可多得同派之議員。此勞農政

府所以鞏固之原因。一。

更以本諸「勞動者獨執政權」之精神之選舉權規定於憲法者言之。憲法第六十四條之要點云。

一、不問其宗教、民族性、從順性、之爲何。選舉之日年達十八歲之男女有下列資格之一者皆有選舉權及被選舉權。

- A、使用於工商業之勞動者、及使用人。
- B、在是等勞動者之家、司家政者。
- C、自作農夫及哥薩克之農業勞動者。
- D、屬於勞兵農會之海陸軍士。
- E、可屬於以上各項而一時失其勞動能力者。

又憲法第六十五條之要點曰。

- 一、有下列各項之一者。雖有上條列舉之資格。亦無選舉權及被選舉權。
- A、以增進利益爲目的。曾雇用貨銀（工資）勞動者之人。
 - B、不勞動而有收入者。（例如以資本財產得收入者）
 - C、私的商人。
 - D、一切宗派之僧侶僧職。
 - E、前警察、偵探、憲兵及前皇統之各人。
 - F、法律上曾宣告精神錯亂及不完全者。
 - G、因利己不名譽之事。被勞兵會剝奪其市民權。在剝奪期間中者。
- 依上之所規定。勞動者以外。直皆不許干預政權。此固布爾薩維克之唯一特色。而其影響則中產階級智識階級之反對社會主義者。皆排斥於政權之外。此又勞農政府所以鞏固之一原因也。（但其後稍有變動）

第十章 勞農政府之政治組織（下）

勞農政府之政治組織既以勞兵農會爲基礎。勞兵農會爲日本學者所譯之名詞。其原語即本書第七章中所曾述及之蘇維埃。Soviet 以新我國政治之唯一基礎爲蘇維埃。故稱之爲蘇維埃俄國。（勞農俄國）或蘇維埃政府。（即勞農政府）所謂蘇維埃者 Soviet 其本來之字義與英語之 Council（評議會）相當。爲帝制時代之樞密院。亦常稱爲 Gosdarstvennyi Soviet 焉。

蘇維埃之組織。先爲在各地方之勞動者與農民選舉其代議員以造成地方之蘇維埃。更集地方蘇維埃所選出之代議員以造成全俄蘇維埃（即上述之全俄勞農會或勞兵會）。由全俄蘇維埃選舉中央執行委員會由中央執行委員會任免人民委員。故中央執行委員會有似於立法部之議會而人民委員則與今日各國之政府相當。列寧即人民委員之議長亦猶各國之內閣。

總理也。

俄國之各鄉村鎮各有其地方蘇維埃。在大都會則各區又各有區蘇維埃。亦有包括市鄉村鎮之大地域而為一蘇維埃者。其初大抵各處勞動者之蘇維埃與兵士之蘇維埃同時並起。三月革命以後（見第五章）勞動者與兵士間乃組織聯合委員會。而特別之事情則兩方仍各自集會討論焉。至農民之蘇維埃則布爾薩維克革命後始與前者為聯合之行動。（蘇維埃所以譯稱勞兵會或勞兵農會也。）蘇維埃之代議員無一定之改選期。對於代議員之人人無論何時皆可特別指出某代議員而解除其職任。此亦其特色之一也。全俄蘇維埃以各地方蘇維埃所選出之代議員組織而成。用直接投票方法。全俄蘇維埃之會議普通每三個月開會。

中央執行委員會約以三百名委員組成。由全俄蘇維埃會議中每五人選出

二人。其地位既與立法之議會相當。其選舉方法亦如議會之選舉。有一定地方之區別。（選舉區）但於其代表之實質則與今日之議會大異。蓋中央執行委員會於實際乃代表勞動團體者。其代議員常保與勞動團體有不絕相接觸之機會。此又其特色之一也。

人民委員會（即內閣相當）公布法律。不可不先通過於中央執行委員會。而與勞動階級尤時時保其密切之度。其鞏固不搖之基礎乃建築於多數人之勞動階級之上。且使多數國民對於政治皆發生直接密切之關係故也。又當革命之初。有臨時革命委員會之設置。禁止一切反對革命之刊行物。此似違背乎社會主義者平素所主張言論自由之根本主義。但禁止之理由。則以勞動者及農民之權力方始建設之時。紳士閱反對革命之言論利器不可不暫爲武裝之解除。俟新制度確立。則一切刊行物之限制除去。實現完全自

由之言論云云。更以一切廣告爲國家之獨立事業。惟政府及地方勞農會之刊行物得爲揭載廣告。其餘概暫禁止。

上所述者乃一時之辦法。且如對於知識階級之擢用。其後列寧亦主張之。至其將舊有政治機關一律推翻。乃因舊機關中每留有產階級之勢力。故根本上加以掃除云云。

第十一章 勞農政府之經濟設施（上）

勞農政府之經濟的設施悉以實行社會主義爲其最終之標的。試將其關於經濟之重要機關簡明列舉如左。

(一) 勞農者支配產業之機關

(一) 因欲整理國內經濟起見。一切工業的、商業的、農業的事業及團體。悉付諸勞動者管理。銀行事業、交通事業、產業組合等亦同。

(二) 關於前項之管理事務。由所屬勞動者選出之機關。即工場委員分組者代表會議行之。是等機關由總被雇者及技術員之代表者組織而成。

(三) 重要工業都市。工業地方。置地方勞動者支配機關。此種機關由勞動組合。勞動委員會。及其他工場產業組合等之代表者組織而成。

(四) 在俄都設全俄勞動者支配機關。網羅上列各團體之代表者。即勞兵代表會執行委員會之代表者五名。勞動組合代表者五名。技術員代表者五名。農業組合代表者二名。有會員十萬人以上之各勞動團體代表者各一名等。

(五) 勞動者支配機關有監督生產定最低賃銀。(謂工資至少若干之限度) 定製品賣價之權能。

(六) 勞動者支配機關。有管理關於業務一切通信之權能。商業上之秘密。一概禁絕。事業之持主。應令其提出一切帳簿及存金於勞動者支配機關。

(七) 勞動者支配機關之決定。有拘束事業持主之效力。除因高級勞動者支配機關之決定外。無失其效力之事。

(八) 事業之持主或經營者。對於勞動者支配機關之決定。有不服時。得於三日以內控訴於高級勞動者支配機關。

(九) 於所有事業持主及使用人之代表。(行使支配權者)就秩序之維持財物之保管。對於政府為負責任者。如有毀損財物或帳簿不整理等之行為時。則處罰。

(十) 地方勞動者支配機關。裁決下級支配機關間之一切紛議。及從事業

持主所提出之一切訴願。

(二) 國民經濟高等會議

(一) 國民經濟高等會議。依利源及金融機關之公有整理全國經濟生活統一中央及地方各分配團體。(包含全俄勞動者支配機關)

(二) 國民經濟高等會議。有收用徵發各種工業、商業及令其合同之權能。又在生產、分配、金融諸方面。有施行右列以外之政策之權能。

(三) 國民經濟高等會議。以全俄勞動者支配機關各人民委員之代表者。及特行招聘之專門學者與知名之人組織之。

(四) 國民經濟高等會議。分燃料、礦山、金融、復員等各部。

(五) 國民經濟高等會議。從其議員中選出十五名而作一局。令取各部之聯絡為應急之處置。

(六) 關於整理公共經濟一切法案及政策。爲先提出於人民委員會者。(注意人民委員會即勞兵農會^{Soviet}。餘仿此。)

觀上述各機關之組織無處不發揮實行社會主義之手段而絕對不用知識階級之說亦可見其不確也。

第十二章 勞農政府之經濟設施(下)

本章所述乃勞農政府成立而後對於重要經濟事項之處分方法與其內政外交有至大之關係。尙望讀者加以注意。

(一) 土地私有權廢止後之辦法

(一) 對於一切土地之所有權無賠償廢止。

(二) 地主之所有地。貴族之采邑。寺院。教會之所屬地與其家畜建物器具。共移於地方土地委員會及地方農民代表會管理之。

按俄國之多大地主。爲其特別情形。故用此特別土地革命主義也。

(二) 廢棄國債與國營貯蓄

(一) 行於地主及紳士闊之治下。之一切國債悉廢棄。之外債亦絕對無除外之例廢棄之。

(二) 短期債券作爲擱置。不付利息。

(三) 國營貯蓄銀行之蓄金。爲不可侵者。

(四) 雖爲不過五千數盧布之貯金。非因各自勞動而得者。可全否認之。

(三) 銀行貯藏金之處分

(一) 存在於諸銀行金庫之一切貨幣。移入國營銀行。金貨及金塊等。概收回而爲國家之基金。

(二) 金庫之保管者。宜應傳喚速攜金庫之鑰匙赴銀行投到。以便檢查。

(三) 傳喚後三日不投到者。以反抗檢查論。(即認為反抗)

(四) 右反抗檢查者所有之金庫。檢查員即開檢之。在庫物悉為人民之所
有。移諸國營銀行。

(四) 外國貿易之處理

(一) 一切外國貿易悉為國營。對於外國政府及外國商業團體生產原料。
製品農產物等之賣買。依政府之特設機關直接管理之。

(二) 設商工人民委員會。以下列諸團體之代表者為委員。

(1) 陸軍、海軍、農務、食料供給、交通、外務、財務之各部。

(2) 統轄茶、煙、草、織物等各種產業之中央機關。(含國民經濟高等

(會議各部門之代表者)

(3) 產業組合中央機關。

(4) 商工同業組合之中央機關。

(5) 重要品輸出入業者之中央機關。

(三) 設立外國貿易會議。登錄輸出入品之需要供給。決定其價格。施行總商工人民委員會之發案。

此項辦法與各國外交上有重大關係。容他章論之。

第十三章 勞農政府之軍隊編制

勞農政府所以鞏固之原因。一。由其特殊之政治組織。(見第九章。)而其特殊之軍隊編制亦所以維持其勢力之一方法。當其方始從事革命之際。知國內舊有之軍隊不能成其志。故盛行主張組織勞動者國民軍。掌握政權而後如其宣言之所示。(見第八章。)努力組織赤衛軍。又排斥舊有軍隊中有產階級系之將校。代之以勞動者。一九一八年十二月十七日。曾發布左之兩令。

(一) 隊長田隊中選舉之。

(二) 軍隊內之階級撤廢。

此項命令施行之影響。舊有之將校。或去其隊。或由將校而降爲兵卒。此不過爲消極排除有產階級系之辦法也。

一九一八年與德國爲普萊脫講和談判及訂約而後。益覺其國無武力之危險。列寧與却羅斯克。皆痛感軍備之必要。欲維持勞農政府在內外之威勢。更決定實行組織赤色軍。於一九一八年四月二十七日。發布強制軍事訓練之命令。其要部謂社會主義。雖以一般武備廢止。永久和平確立爲目的。然此必於世界各國勞動者掌握權力時。乃可得而實現者。今俄國勞農政府四方被圍於敵人。自不可不有強力之軍隊。而強制軍事訓練之辦法。分學校生徒。自十六歲至十八歲者。及十八歲以上至四十歲者。之二種。男子爲強制的。女子

爲任意的。於此更有可以注意之點。此軍事訓練之特權。惟限於勞動階級而有產階級。則除外焉。依勞農政府之主張。謂有產階級。亦可命其爲防衛祖國之資擔。固不待言。但當此過渡之時代。使彼等加入軍隊。恐惹起隊內之不和。其命令之前文。並歷叙有產階級與外國之侵略主義者聯絡。恣其種種陰謀。欲以顛覆勞農政府云云。

爲是特殊編制之軍隊。其編制之性質。上自然努力。以擁護勞農政府。使政府所以鞏固之一。最有力機關。自無可疑者也。

第十四章 勞農政府之教育事業（上）

新俄國勞農政府之教育事業。其方針與制度。純取理想上之最新者。今已實行。至於如何之程度。尙無詳細之調查。據片斷之報告。則成績比諸他種設施。尤爲優勝。今且勿論其實行程度之如何。僅就其政府所表示者見之。則其對

於教育之意志高尙卓越太有可以研究之價值吾人對之不能不表敬意也。一九一七年十一月七日革命成功而後勞農政府之教育委員先發關於教育之布告其要點在闡明教授與教育之區別教授云者由教師傳達知識於生徒之謂教育云者言創造之過程個人之人格如何完成之謂直揭今日各國教育上之大缺點其餘則專對勞動者立言以顯示其社會主義國家之特色。

革命後二月（俄歷十二月二十四日）教育部長發出布告教育委員會之職務分爲十七部局。

- (一) 關於一般義務教育部局。
- (二) 關於大學及專門學校之自治部局。
- (三) 關於直轄學校部局（直轄學校移諸市鄉村經營）

- (四) 關於市鄉村立公共學校部局。
- (五) 關於幼稚園教育及兒童援護部局。
- (六) 關於通俗大學及家庭教育教育部局。
- (七) 關於私立學校補助部局。
- (八) 關於科學部局。
- (九) 關於藝術部局。
- (十) 關於實驗教育學及學校衛生部局。
- (十一) 關於財政部局。
- (十二) 關於工藝學校及技藝教育部局。
- (十三) 關於教員養成部局。
- (十四) 關於新學校設立部局。

(十五) 關於文學部局。

(十六) 關於統計部局。

(十七) 關於組織部局。

繼此尙有列寧與教育實行委員署名之詳細規定發表。

一九一八年六月二日全俄教育大會中勞農政府教育委員之訓示更足以見勞農政府對於教育之意志。其要點如左。

世人每有以新政府蔑視舊有教育之價值。破壞舊有之學校而非難之者。此實誤也。舊有之學校不過醞釀特權培養功利的精精而爲支配階級之奴隸的道具。使民衆意志昏暗兒童之精神身體成爲不具者不得不破壞之。

吾人非以此不得已之破壞爲滿足而中止。先掃除過去之無用者。繼以創

造的活動。依人民之勝利。學校漸為事實上的人民之學校。教育委員會當銳意努力。以此完全取入於人民之手。

今後學校之教師。吾人主張應不僅為保守位置者。且非自上任命者。更非與人民分離者。故應由依人民自身之力所建設之地方機關選舉之。

不以學校為特權之源泉。大學及其他學校畢業授與種種特權。為學位證書。及免許狀等之制度。悉廢止之。

從來之學校。非教育之機關。而為愚昧人民心意之工具。革命以後。此類學校一概掃除。在我教育委員會之前。新事業固不勝其夥。吾人先從教會之勢力圈內。解放學校。即學校與教會之分離。

學校之中。嚴禁宗教的教授。人民之普通教育。當然為全人民之義務。與權利。吾人不問男女之性別。社會的位置。為何皆一律課。普通教育不收費。

費給與書籍等學用之品。

以上諸點可謂極大膽徹底實行想理上之教育制度者。

第十五章 勞農政府之教育事業（下）

實行上述之教育制度。其唯一困難者爲教師缺乏不足之間題。教育委員會更計畫設立弘大之教育講座。努力於教師之養成。關於教師之待遇定詳細之規則。從時間及薪脩兩方行優待之法。

新俄國之教師屢次召集大會議。極自由交換關於學校問題。教育問題之意見。一九一八年六月六日莫斯科開教師會議。其決議之要點如左。

(二) 在勞動者之社會。教養兒童之事爲全社會成員之義務。嬰兒於共同養育。所以養育幼兒。養育於幼稚園。普通教育時代之兒童。教育於共同學校。青年則無學費而與以大學之教育。

(二) 從來之舊式學校。常帶國家的排外主義的性質。而新學校則於形式。於精神。爲眞國家的。以國語教以母國歷史。與母國社會之狀態。固不待言。而於其原理與法式。同時立可不具世界的性質。

(三) 徹底課以職業的教育。同時教以世界的勞動聯合之精神。謀弘汎教育的感化之調和。從此點觀察之。得公言並非人間勞動者化。而創造眞人間者。惟我社會主義之學校耳。

勞農政府之教育方針。不僅注重兒童之教育。更於職業教育及成年者補習教育。皆甚致力焉。且一般人民。皆與以得受高等教育之自由。高等學校入學規則第一條有曰。

不問公民權及男女性別之如何。達於十六歲者。無論何人。皆得爲高等學校之生徒。不必有中學校及其他學校畢業證明與一切證書。

又第五條有曰。

高等學校免收學費。已收者還之。

此外尚有一趣聞。實亦含有重要之意味。新俄國學校中所有校役小使號房等主持學校者。視此等人爲有優勢的教育力者。不僅改善其待遇。且有從教育的見地。與以有力位置之意。嚮此固因其國家以勞動者爲中心之故。但其重要意味。例如中流階級家庭之兒童。每受乳母婢僕之感化。在學校亦然。兒童與校役時時接觸。實大與以教育的影響。從社會主義方面言之。若令兒童日日見教師等以對於奴隸的態度。使喚校役必改使兒童認識勞動之價值。感覺遲鈍。是亦大有可以研究之價值者也。(即此一點可見其對於一般國民施行社會教育。細心已極。)

勞農政府當國事未定之時。所以急急於教育之設施者。蓋社會主義之實行。

人民須有相當之程度。俄國教育尙未發達，則實行主義甚為困難。故一面為急切補習之設備，一面行徹底的社會教育。若勞農政府而能支持目前之勢力，經過相當時期，收穫教育之效果，俄國國民之前途殆有未可限量者。而世界亦必大受其影響。自不待言。此則我國民所最當注意者耳。（註十）

（註十）勞農政府對教育課程尤注重「社會主義學」，大中小學校皆編入之。

第十六章 勞農政府施政之成績

勞農政府施政成績之最優者，莫如教育。此世人之所公認。餘如土地國有及一般義務耕作之實施，尙未收顯著之效果。蓋由一般農民未解社會主義之真意，致有怠業荒蕪之現象。工場方面，據某專門家之報告，謂一九一七年一月一日，俄國從事於主要工業之勞動者四十萬四千六百二十人，至一九一八年一月，而減少至三十二萬三千一百三十五人。至是年七月，而驟減至十

三萬二千八百五十三人。一九一九年一月一日又減至十二萬四千一百〇八人。其他普通工業亦呈同一之現象。勞農政府施政之第一年閉歇之工場達一千所以上。失業者達四十萬人以上。舉又莫斯科地方之煤礦證之在一九一六年產煤四千二百萬普德。（俄量名）一九一七年產煤四千五百萬普德。至一九一八年而減爲三千七百萬普德。人每以此爲社會主義終難實行之佐證。或不無一面之眞理。但吾人爲公平研究起見。願讀者諸君有須不可忘者數事。

(一) 俄國承歐戰慘禍之後。國民經濟早陷於困境。至勞農政府時而已達其極。

(二) 勞農政府成立之日。國內甫經數次之革命。產業之不能維持常態。可謂當然之事。

(三) 以實施社會主義。一切財產化爲國有。由國家再令人民營共同之產業。其間之過渡手續極煩。不能不影響於一時。

故以責任言之。勞農政府承俄國受歐戰影響。極形敝疲之後。而又施根本之改革。何者。應歸其責於前之政府。何者。應歸其責於勞農政府。界限極爲難定。而不能概歸其責於勞農政府。則無可疑。不然。勞農政府一出。而俄國立呈一切不振之現象。則該政府決不能經過三年。至於今日。而依然存在。且有日形鞏固之勢。若以主義不同之偏見。忘下判斷。吾未見其可也。

又勞農政府之政策。與其當初所持之理論。有稍事變通之處。一八一八年四月。列寧。曾以一意見書。提出於全俄中央執行委員會。以社會主義與資本主義。爲一部分之調和。其要點如左。

(一) 各種事業。認爲有增進生產能率之必要。

1. 事業之主任者給以高額之薪金。

2. 實施嚴格之規律。

3. 實施從量工銀制度。

4. 以一工場之製造能率或鐵路轉運之經營成績爲定工銀之標準。

5. 設立令各個生產組合及消費組合互相競爭之制。

(二) 完成全組織使生產與需要適合行正確之分配是不可不組織消費組合但必須與市民的組合密切協力而後可勞農政府乃不得已而與是等組合訂妥協之契約稍犧牲其社會主義之原則。

(三) 在共同的經濟制度之下應否容認個人資本之活動若容認之則其範圍如何提出此問題亦足見其有與資本主義調和之處。

惟調和云者非放棄其社會主義之目的仍以其主義爲中心迂迴曲折以求

達其目的也。

第十七章 各國駐兵與撤兵

英、美、法、意、日等國當歐戰未了以前。因對德作戰。與援助前俄舊黨之目的。相約駐兵於歐俄及西伯利亞方面。我國亦因日本軍閥之作用。由當局者與日結軍事協定。出兵俄境。以應對德共同作戰。及援助俄國舊黨捷克斯拉夫之名。然至前年十一月。各國與德奧休戰。去年六月。而歐戰之和約成各國之對俄政策。遂一變而傾響於撤兵之方針。拋棄干涉俄事之舊策。(日本除外)其總原因則以上述聯合各國之自身犧牲於歐戰者。死亡數達六百九十三萬八千五百十九人。重傷不具者之數。達三百四十三萬七千七百四十人。消耗戰費。達二千五百十二億圓。物質與精神。均告疲敝。法、意等國之社會黨大反對干涉俄事之策。即較爲穩健之英國勞動團體。一九一九年。亦因反對干

涉俄事。而有決行總同盟罷工之議。各國政府。以此種種情形。對俄不干涉之態度。遂以決定。

以英國言。去年二月十二日。首相魯意喬治氏在下議院演說。已露撤兵之意。去年七月二十九日。其陸軍大臣在下議院對答勞動派之威脅。亦言出兵俄國。乃以對德作戰為主要目的。又去年十一月。英首相在下院演說。明言「我英國自己之負擔已覺其甚重。不能再助俄國之國內戰爭。」實際上英國不僅撤去歐俄方面之兵。且撤去西伯利亞方面。曾與沃木斯克之苦爾却克政府以助力者之兵。已見新聞之報告。

以言美國。其國務卿蘭辛氏及駐俄美國大使富蘭西斯氏。表面皆有反對勞農政府之表示。而裏面則由赤十字會代表。以及歐和專使隨員等。早與勞農政府講妥協之策。前年之末。其上院議員撤兵之論大起。共和員議員。且提起

撤兵遲延之質問與彈劾其時美國撤兵業已開始。至今年一月遂以全部撤兵通告於各國。

以言法國其與俄國之關係情形迥異。（其一）則自戰前以來對俄有鉅額之債權。勞農政府否認一切國債。（見第十二章第二節）爲法國資本家所最反對。（其二）則法國在歐洲大陸與德國爲鄰。懼俄德之關係足以脅迫已國。故干涉俄事之策法國竭力主張之。然其後形勢一變。去年九月二十六日法國外交總長在國會之報告已明言將撤在俄全部之法軍在歐俄方面者。則與英同一行動而先撤焉。

至若意大利與俄無甚關係。而國內社會黨之勢甚盛。其同出於撤兵之計畫。自不待言。

然則今之以軍閥派別有用意之故。尙堅執干涉俄事之愚策者惟日本而已。

第十八章 俄國舊黨失敗之因果

前章畧述聯合各國皆以國內實力問題及社會輿論之關係棄其對俄干涉之政策而尙有重要之原因則各種援助俄國舊黨無論政治方面軍事方面業已屢經試驗舊黨無能無力之事實完全暴露而勞農政府則着着成功故有此臨機應變決然捨去其援助舊黨之夢且進而與勞農政府爲斷於通商等之提議今試一述俄國舊黨在政治上軍事上失敗之因果

俄國舊黨苦爾却克等自前年以來至於去年之春曾立擊破勞農政府僥倖舊俄之計畫東部方面苦爾却克提督有最高統率權西伯利亞之軍制總力整頓鐵路之警備則聯合國軍隊當之新軍之訓練亦以合聯國之將校充萬任去年二月乃爲正面之攻擊其他方面之設備亦同四月上旬之戰況頗爲佳良新黨之第五軍全被擊破歐俄方面之舊黨應之四月十九日之戰勝

木斯克政府所得報告。實獲俘虜一萬六千人。至四月下旬。新黨軍隊忽遭猛烈之反攻。四月二十九日。苦爾却克系之西軍大敗。歐俄方面相應之舊黨。尼金軍等亦敗。五月六日、十三日連戰敗走。失其要地。經六月七日所謂沙皇派之軍隊席捲西伯利亞。沃木斯克遂陷。依爾資克亦危。西伯利亞政府至不見其存在。

考俄國舊黨所以失敗之原因。雖有種種而最重要者爲內部之不和。其將帥人物自苦爾却克以下。均不爲全部所信賴。與新黨之全部抱有熾烈之勇者不同。更因其部下有社會革命黨及民主派之人物。(所謂進步系)一七年之革命(即凱林斯克等之革命)苦爾却克曾爲反對之舉動。初步系所不滿。故內部常缺一致之精神。易爲敵黨所攻破。

更以其政治方面之失敗言之。聯合國當初曾有令與勞農政府接觸。爲

波蘭芬蘭麗脫亞尼亞愛斯脫尼亞羅馬尼等團結一致以共擊勞農政府之計畫是等諸國皆係戰前俄國之領土而各爲獨立之運動聯合國已承認其獨立而未爲俄之本國所承認聯合國既有令諸國圍攻勞農政府之計畫苟俄之舊黨運用政治上之手段許是等諸國以俄國恢復而後承認其獨立之條件則不難團結一致與舊黨携手以共抗勞農政府然因俄舊黨頭腦之陳腐手腕之拙劣竟固執所謂國權之論拒絕是等諸國之要求諸國既失望且預想舊黨若果成功則與彼等之獨立不利於是盡行解體各自與勞農政府謀和而聯合國之計畫卒歸於泡影由是觀之俄舊黨之無力無能早已盡情暴露於各國之前各國所以舍其舊而新是謀者此亦其一大原因也(註十二)

(註十一)據日內所得消息在海參崴之臨時政府實際已與勞農政府聯絡一致而南俄舊黨之軍隊亦已全滅

第十九章 勞農政府之外交

勞農政府當對德單獨講和之際。即同時通告各國爲和平之商議。當時各國自不能應之。其後勞農提倡一方整頓國內之社會政治。一方以軍隊抵抗舊黨。同時復努力爲外交之活動。派代表分赴各處。從事非正式之接洽。茲集合各種材料。以明各國對俄外交之趨勢。

各國對俄外交開始商議及承認問題。以俄國對於外債之否認等關係。最難同意者自爲法國。該國前首相克里曼索氏態度極爲強硬。現首相米爾蘭氏。今年二月赴倫敦首相會議。曾因俄國問題等歸國與各方面會商。至二月二十二日復自巴黎再赴倫敦。頗保持前首相克里曼索之對俄政策。惟對俄通商問題並無異議。

其在英國。今年二月九日。英首相魯意喬治在下院報告南俄方面之形勢。更

表示其對俄之意見。畧謂歐洲無俄國之穀物，則不能恢復。故欲撲滅俄之新政府派，爲不可能之事。又與俄鄰近諸國，均不欲與俄新政府派爭。卽曰欲之，而以軍用品之缺乏，英、美、法、意等，又無供給物資以助近俄諸國之餘裕。然則既不能撲滅俄之新派，遂不得不用其他之方法，卽與之講和是也。雖然，俄新政府，不可不廢從來之野蠻行爲，而爲文明的行爲，庶可從貿易商業回復健全之狀態。又言中歐之瀕於饑饉，救之者乃俄國也云云。

美國與勞農政府間之非公式接洽，爲日已久。據最近倫敦方面之電傳，則兩方講和將有成立之勢。其第一步之着手方法，則由美國先行派遣糧食委員赴俄調查接洽美之對俄，當然易於接近云。

日本以軍閥派固持軍國主義，其思想似軍事主義以外，無法可以統治殖民地，及長享滿蒙等處之利權。若俄之社會主義成功，則將大與以內政外交

上之影響。故至今不脫以軍國主義戰勝社會主義之迷夢。一方又欲乘此擴張其在我國北方及西伯利亞之利權。致與俄軍屢起衝突。俄人對日之惡感。爲日本現在將來之不利。固不待言。勞農政府既對各國提議講和。而對日提議。於今年二月二十四日自莫斯科以無線電送達日本政府。其內容詳述一九一七年十二月以來。勞農政府外務長官在彼得格拉與日本大使館爲半公式之會商。日本大使受理而以此轉達於其政府。其後未接何等之答復。至一九一八年春。勞農政府外務長官又與莫斯科日本領事商議。是年五月。又與駐在烏羅古打日本代理公使商議。以之轉達於東京。亦未接何等答覆。俄國第五次勞農會議。外務長官曾再行聲明。有完全解決俄日間一切爭議問題之意。今則欲以武力撲滅俄國勞農者權力之計畫。已全歸於失敗。聯合國既撤回其遠征之軍。且與俄開始會商之際。我政府（勞農政府）爰再提出

講和之議於日本政府。俄國民對於日本無攻勢的計畫。勞農政府無干涉日本內政之意。（按此係表示不宣傳其主義。）勞農政府承認日本在極東方面經濟及商業上之利益多超越於他國之點。勞農政府希望兩國間速訂有利益之條約云云。（下畧）若歐洲各國對俄外交進步，則日本亦自不得不變其方針也。

意大利曾一再按勞農政府講和之提議。該國以社會之不安。社會黨日增勢力。對俄講和自無爲難之意。

勞農政府對於我中國之宣言（見附錄）。我國民一致歡迎之。其後又起種種之疑問。政府之態度尙未完全決定。但以與聯合國一致爲言。此事殊爲可慮。其餘各國爲與愛斯脫尼亞之和約。今年二月一日已成立。外波蘭芬蘭及其他附近諸國講和之事。尙未達於成熟之時。機而俄德之間據巴黎二月二

十七日電報謂已結一種重要之協定。關於經濟上之要點。（一）俄德之間即時開始鐵路、郵政、電報等事務。（二）德國供給雇傭於俄國工場之技師職工。（三）德國除奢侈品外以機械、農具、被服、其他一切製造品輸入於俄國並以煤供給俄國。（四）俄國對於德國供給食料品、糖類、畜類及其他原科品於德國云云。

依是觀之勞農政府之對於外交已日見其進步矣。

第二十章 通商歟？承認歟？

英法意各國對俄之外交態度所以遷延許久。猶是在不離不即之間者。其難題卽因經濟的要求與政治的認識尙未得充分調和之道。蓋今日之俄國關於國家組織之根本思想不能為各國政治所容。然共起撲滅之計畫既已失敗而歐洲方面經濟的要求之急殆超越於政治的認識之上。既不敢直截了。

當拋棄其政治的意見。以與勞農政府携手復不能。恆強硬禁遏其經濟的慾望。以與勞農政府絕緣。於是先行與俄國人民通商而不承認勞農政府之主張。其滑稽矛盾之處。當於下章論之。茲先述各國會議之經過如下。

今年一月十六日巴黎最高會議決議對俄開始通商。其公文之要點有三。

- 一、因欲救俄國內地人民之窮狀。於聯合國中立國間行物物交換。
- 二、因是與俄國人民直接交涉。依俄國之產業組合（哥佩拉替夫）以衣服藥品農具及其他必需品輸入於俄國。以與俄之穀物麻及其他餘剩貨物交換。

三此種辦法聯合國於對俄國勞農政府並不變更從來之政策。

通商爲兩利之道。自不待言。與各國通商。固今日俄人之所渴望。但專言爲救濟俄人窮狀起見。實欺人之言。今日之俄國。因交通機關之破壞。與醫藥等之

不足饑饉疾疫之災頗爲猖獗然各國之與俄人開始通商決非專在救濟俄人換言之却在救濟歐洲也

除美國外英法意諸國均苦食糧之缺乏爲意大利者其人口之一事殆仰給於外國輸入之品不足之額約三百五十萬噸英國亦然其糧食管理官羅巴氏一月二十日之演說宣言英國因無俄國之供給所有今日之急迫餘爲國際經濟會議宣言救濟全歐饑饉之道惟在解決俄國問題而英法意各國之社會黨主張遠行承認勞農政府之理由亦在各國食糧之不足故各國對俄通商問題深刻言之在救濟歐洲各國之窮狀公平言之至少亦立於兩利之地位也

至所以行物物交換者因俄國之盧布今日陷於無價值之地位故除物與物交換外無他道與俄國產業組合交涉云云尙有一段之歷史去年之春俄國

產業組合代表（爲組合之外交委員與俄政府無關係）巴肯海姆氏 Berkenheim 及克羅撲斯可夫氏 Constantin krovopouskoff 等。既往來英法之間，謀開始通商之道。勞農政府之政策既漸傾於妥協方面，最高會議乃招致俄國產業組合之代表，而有上述之宣言。至俄人之哥佩拉替夫（即產業組合）係一八七〇年所創立，號稱歐俄方面。家族加入者二千萬，其人員約六千五百萬。於西伯利亞方面，有加入家族一〇七、一〇四、一〇八，其人員約八百三十八萬云。又組合之性質分消費、生產、信用三者，其組織則有地方組合、州組合、全俄組合之別，爲一極大經濟機關。因加入者之多數，自然有政治上之勢力，故政府不能不承認之。俄國前凱林斯克之臨時政府曾制定準據法，以助長其發達。此上述之俄國產業組合之歷史也。

又公文中所以明記由俄國輸出穀物與麻等，有重大之意味。穀物與各國食

糧問題之機關。既如前述。而俄國產多量穀物而外。其麻之產量殆與美國之棉相匹敵。英國愛爾蘭等製麻工業之地。其原料十分之八仰給於俄。無俄國之麻。即無愛爾蘭之製麻工業。故封鎖俄國。英國大為不利。此麻所以有明記於公文之價值也。

各國言對俄人民通商。而依然不變更。對於勞農政府之政策。殆有待於俄政府之變更態度。趨於妥協之途。可能否乎。於下章述之。

第二十一章 通商而不承認之滑稽

各國對俄開始通商之決議。既為前述。於此有一根本之疑問發生。即各國所望於俄國者甚奢。俄國幾經變亂。而後是否有多量產物可以輸出於各國。是也。據前記組合代表之談。則俄國因久行封鎖。連年豐收之結果。穀物所餘甚多。可以黑海諸港為出口。又據列寧致德國之無線電報。稱去年一年有非常

多額之物產。例如二十萬噸之苧。十萬噸之麻。今均在政府之手云云。然有名之歐洲救濟委員傅烏亞氏。則反對之。謂俄國無餘剩之食糧。此則非實地調查。無從下真確判斷者。

此後各國之態度。乃傾注於對俄實地調查之事。較前又進一步。試以今年二月二十四日倫敦首相會議所發表之對俄方針。摘其要旨如左。

一、與勞農俄國接壤。依聯合國認爲完全獨立或事實上自治之諸團體。（

按即芬蘭、波蘭等）對於聯合國請示。以如何態度對待勞農政府。聯合國政府即答覆以聯合國不能負勸告諸團體爲有害於自身利益之繼續戰爭之責任。（即不能勸告諸團體對勞農政府繼續戰爭）換言之。即不能勸告諸團體對俄取攻擊的態度。（參看第十九章英首相之言。）然苟勞農政府對於新團體之正當領域以內。欲出於攻勢的態度。則

聯合國當惟力是視。以援助諸團體。（按此節現已漸無問題矣。）

二、因過去之經驗。希望勞農政府對於設施方法及處理外交之點。（如外債等。）與各文明國取同一之步調。未如各國所希望以前。不得與勞農政府開始爲外交關係。

三、英國及瑞士。因勞農政府代表濫用其特權。不得不各從其國內放逐出境。

四、歐洲各國。與俄通商。不僅救濟俄國。在改善世界全般之經濟狀態上頗關緊要。故以保留上記第二項之態度爲限度。而欲加以獎勵。惟關於俄國之現狀。信爲有公平正確報告之必要。故對於國際勞動事務局派員實地調查之提議。甚爲贊成。此舉基於國際聯盟理事會之發議。（國際勞動事務局爲國際聯盟之一局部。）且行於其所監督之下。更足增其

權威。同時復多得收效之機會。聯合國對此願慇懃其實行云云。

此項倫敦首相會議所發表之對俄方針最重要者自爲關於通商之第四項。惟派員調查之舉迄今尙未得俄政府之同意。如果實行調查而後其報告之結果如何實今後各國對俄關係之關鍵以愚之所觀察通商問題解決卽承認俄國政府問題亦將解決無論列寧等鑑於外交上之形勢或將再讓步而取妥協之方針即令無足使各國滿意之讓步然依俄國今日之制度通商問題與承認問題完全劃分爲二如各國之所主張乃不可能之事何則勞農政府乃以對外貿易完全歸諸政府直接經營（見第十二章第四項）其後雖有與市民組合妥協之辦法（見第十六章）然所謂妥協者決非完全拋棄其主張不過爲一部分之讓步而已故各國之對俄關係惟恐其通商問題之不易於解決一日通商問題解決事實上卽不會承認其政府列寧等稍爲形

式之讓步。則名實兩方之承認問題。將皆見其解決。近日各國復有柔里摩會議及各國代表與俄國代表在丹麥開關於通商之會議。各國意見仍未見完全一致。我國與勞農政府間或傳已訂關於通商之條款。今後各國對俄問題似有趨於單獨行動之傾嚮云。（本書記至四月未止之情形。以後待續。）

第一十二章 俄國社會之最近情形

大阪每日新聞莫斯科特派員布施氏今年四月三十日專電報告勞農俄國之社會狀態詳而有趣。誠爲研究俄國之最確參考資料。譯錄如左。

▲利用武器爲生產工具。余（布施特派員自稱）自抵俄以來。或與勞農政府當局。或與人民代表會談。有時又親赴各工廠與勞動者接談。綜合所得材料觀之。勞農俄羅斯所發生之一切社會事象。是非問題。姑置弗論。而由全人類言之。則誠爲可令人慎重考察。一大經驗。此無論何人。皆不能否認者。

也。四月二十九日，余與主持勞農政府經濟政策之國民經濟最高會議長李墨夫同往視察某發電所。（距莫斯科一百俄里。）該發電所設備足供給四萬基羅勃爾之動力。勞農政府為供給莫斯科電力起見，特派技師工人前往該處設立此廠。廠中工作異常忙碌。最饒趣味者則軍艦之罐爐即用之為發電所之罐爐戰爭器具一變而為生產工具。俄人之揚揚得意無足怪也。

▲工人自治之糖果工廠。四月三十日，余又往視察某糖果工廠。該工廠全由工人自行管理。工作者工人。管理者亦工人。現因原料及燃料不足之故。廠中機械僅使用一部分而已。據管理人云：美國之鐵路車頭不日可到。運輸機關不久便可整理。原料燃料如能輸送無碍。則今夏準備妥帖之後。秋間全部機械便可使用矣。現時糖果僅限小兒方能食用。成人除特別原因之外。一概禁食。

▲拉特克之重要談話。余於克列凜宮與有名之拉特克會見拉氏之談話。大要如左。

近來各國頗急與俄國恢復通商。最頑固之法蘭西現時亦派人赴丹京訪問俄國特派委員喀拉新。此蓋法國欲制英國之機先也。英國現亦渴望喀拉新從速赴英。英國所派之委員亨達遜瑪克那魯特及其他工人聯合會之代表者不久即可來俄。諸氏在此兩三個月中當可組織勞動黨內閣有重要之位置。但俄國現時却無急欲與英法通商之必要。

又據外交委員本部消息云義太利來俄委員中半屬自由議員半屬社會黨議員。

又聞中國亦希望派遣學者專門家來俄研究勞農政治組織。

▲經濟上之緊急問題。據外國通商委員謝猛談云目前吾人最緊急問題。

在輸入無數之各種貨物而尤以鐵路船舶材料機械及藥品為最必要。俄羅斯從經濟上言之或可認為業已破產然對於輸入貨物尙能以黃金或白金及其他品物支付其代價也果可以原料品支付代價則恢復通商極為易易。

俄國最渴望之貨物 據國民保健之人民代表塞瑪士哥談云慢性的饑餓影響于國民健康甚大各種疾病大抵皆由營養不良而來一方面與饑餓戰同時他方面又不能不與腸窒扶斯虎列拉之各種瘟疫戰又加以藥品缺乏其慘狀誠不可言也現時藥房一律收歸國有雖力謀調節而時時尚有不足之虞每一病院僅有一個體溫針一團小兒僅有人製乳頭一個即此一端已可想見矣最近苦爾却克敗退時遺棄在渥木斯克之日本製之罐頭牛乳有四萬罐之多全數悉以分增小兒其欣忭蓋為前此所未有

也。

▲五一節日之莫斯科。又莫斯科三日電云。俄人二十年前已舉行勞動節。而此次慶祝勞動節與前大異。蓋彼等所以表示慶祝之方法與尋常不同。當五月一日。彼等非特不停止工作。並且舉國一致竭力作工。在莫斯科一區。當上午九點鐘。放砲一聲。以爲勞動紀念。於是無數男女工人羣集一團。手執赤旗。循預定道綫各赴工場作工。其任鐵路供役者。則將貨物起卸。以備整頓。在工廠者。則將機器洗擦。以備修理。其餘則清掃道路公園。一切工人。於是日昨工反異常高興。而莫斯科以外之地亦然。其受雇於外交委員會之工人。則與日本、高麗、印度、波斯等國之代表結合一團。舉行慶祝云。

▲眞面目之文化政策。據五月十六日莫斯科之電告。則勞農政府方竭力振興文化。立眞面目之文化政策。舊帝政時代之學校、博物館、圖書館及劇

場等。不但完全保存。其內容豐富。新增加者亦復不少。雖因戰爭與革命。不妨害文藝上創造的事業。然新俄國之文藝。不得不認為胚胎於此云。

▲新作家與演藝 新俄國既對於文藝生活極為注意。最近文藝雜誌所發表者頗多新進作家之著述。無產階級各著作家之集會。勞農出身之新詩人。每吟誦其創作之詩歌。而劇場方面。昔日有名之優伶。今仍不改其地位。亦不變其華麗之化裝。與精巧之技藝。惟觀客席上。則大異於昔。昔之為貴族富豪所佔之座位。今則易以兵卒或勞農政府之吏員。座位券約百分之六十分配於職業同盟組合工場委員會。及勞農諸官衙。百分之十五分配於赤衛軍幹部。其餘則發賣於一般民衆云。

▲社會的勞動之強制 勞農政府以欲減少國內遊民。增進國民勞動之能率。故對於不從事於社會公益事業之人。即為拘引使之服役。於社會的勞動。

而其應行拘引之人共有五種。（一）不恃勞動報酬或俸金而生活者。（二）無一定之職業而不呈報官廳者。或呈報官廳而不守勞動法規者。（三）在職中之怠工者。及服務中而爲他種事業者。（四）學校生徒之事實上不就學者。（五）商人之不守規定之商法者。現勞農政府爲欲實行上述之法令起見。特令司法部、內務部及全俄緊急委員會（警務機關）之代表組織中央及地方勞動事務執行委員會。並賦予以搜查家宅及點檢行人。並檢查官署工場與劇場電影院等之特權。而對於違反該項法令之人。則處以懲罰的勞動。或分配至需要勞動之地方。其有專門技能者。則使之服役於其所專門之事業云。

▲婦人解放之實驗。每日新聞記者。於五月十三日訪問共產主義者勞農會議議長卡麥涅夫氏之夫人。夫人之言曰。現代之婦人問題。即從廚房與育

兒解放婦人。使其勞力得使用之于更有効之生產事業是也。余（夫人自稱）因欲解決此問題。故極力創設公衆食堂。增設育嬰堂。以余實驗言之。一個婦人在公衆食堂可招呼三十個家族之食事。一個婦人在育嬰堂可養育三十個家族之兒童。是以三十個家族中有二十八個家族之爲人母人妻者。皆可免除厨房與育兒之義務。而有傾其全力于公共事業之可能性也。

▲無產階級之訓練 大阪每日新聞莫斯科特派員十三日特電云。余（布施特派員自稱）自抵俄以來。首先訪問勞農政府當局者及知名之士。叩其意見。嗣又出席各種集會。以聆各方面之言論。各種集會皆非常靜肅。井井有條。一絲不亂。殊堪驚歎。最近所召集之全俄中央執行委員會。（猶各國之議會。）政府提出關於國際聯盟派員訪問俄國之決議案。由外交委員長齊捷琳簡單說明之後。並無討論。即全場一致可決。此種情景。爲余三年前參觀勞

農大會時所未曾見也。觀此可知俄國無產階級于過去三年間所受之政治的訓練已足使其達于政治的熟練之最高點矣。三年以來勞農政府領袖深知其政治上之誤謬甚多時自反省痛加改革此其今日之進步所以有如此之速亦爲勞農政府成功之大原因也。近來無產階級之態度亦漸與其領袖趨同一之方向觀最近無產階級對智識階級之態度便可以證明也。

列寧嘗以獨持之論理與才能指導無產階級曰

苟無專門智識則工業必萎靡不振而無產階級皆無專門智識故吾人不可不利用屬於資產階級之技師所有之專門智識也。

列寧及其周圍之人以此方針訓練無產階級者兩載於茲卒使前認資產階級爲公敵之無產階級今皆與資產階級之技術者專門家共事於同一職業矣。

二年前赤衛軍兵卒以虐待將校爲能事。今則皆歡迎舊帝政時代之將校爲其長官矣。要之勞農政府領袖於過渡之試驗時代。刻苦奮鬥之精神誠足令人起敬。此殆其所以能完成前代未曾有之大事業者歟。今日俄國尙非共產時代。且其實現之前途恐尙遼遠。但勞農領袖正努力樹立基礎。則自有實現之一日也。即由歷史言之亦未必皆反覆循環者。前代未聞之新事實。非常爲歷史上之新紀錄乎。

第二十三章 列寧評傳

(一) 情人之紀念與列寧之名

今日爲全世界所注目之布爾薩維克首領尼哥拉列寧。於一八七〇年生於中部俄國聖卑斯克之地。今年五十一歲。其原名曰烏拉齊米爾依利奇烏利亞諾夫。列寧云者乃彼變名之一也。父爲小學教員。母因事離家。有兄一。與父

兄二人同居。其在幼時卽對富者持反抗之心理。至十一歲小學校退學。乃寄養於南俄凍河畔伯父之家。未幾乃與一少女名列呢亞者結戀愛之情。聞父死。遽歸聖卑斯克之鄉里。彼乃貨其家財。赴卡藏大學。研究生物之學。無何事變猝起。其兄烏利亞諾夫於一八八七年二月擲炸彈謀刺亞歷山大三世於車中。事發被捕。不加審議而遽行槍斃。同時彼亦以嫌疑逮捕。以證據不充足而釋放。然已除名於大學矣。自是彼乃益成爲一革命者。時蓄爲兄復讐之志。赴莫斯科求兄之同志。遂與却羅斯克相識。彼甚喜於收攬青年之心。啓奇愛林（現外交總長）等。其時已結爲同志。而以不能忘情於當年戀愛之列尼亞之故。乃時時以列寧之變名。投稿於社會黨之新聞雜誌（列寧與列尼亞書相近）。政府之壓迫愈甚。莫斯科不可以久居。復至南俄凍河畔羅斯脫夫之地。覓所愛之蹤跡。以列尼亞之父之作梗。列寧乃赴俄都彼得格拉。與同志

即羅斯克啓奇愛林等同在彼地大學讀研究生物之學。然未幾又命退學。被捕而投諸彼得格拉獄中。旋即釋放。

(二) 第一流之經濟學者

當此之時。俄國社會民主主義之運動。尙為幼稚。彼乃於星期日每向無知識之勞動者宣傳其革命主義。熱心以研究俄國之經濟情形與夫農民之狀態。其結果。彼乃發見馬克斯社會主義之理論。可引用於當時之俄國。遂為馬克斯主義之希望者。確立事實的基礎。一八九九年著「俄國資本主義」之發達。一書為現代俄國經濟學上之模範著作。至得第...流經濟學者之名。僅二十九耳。是年十二月。以彼提倡激烈社會主義之故。復被捕處一年懲役之判決。放逐於西伯利亞。後又遇赦。乃流浪於德意志瑞士法蘭西奧大利等國。遂為俄國社會民主黨之指導者。一九〇一二年之間。發行「司派克」之機

關雜誌更出版若干論文小冊鼓吹革命主義。一九〇三年以來遂獨樹一幟。即所謂布爾薩維克是一九〇五年俄日戰爭之際曾急遽歸國參加於革命之運動結果失敗。一九〇七年乃再遠適異邦爲亡命之客而黨勢亦有失墜之慨。一九一二年後其勢漸復發行「眞理」日刊（蒲拉烏打）勞動階級多數受其感化列寧主義益增其勢力。一九二三年彼派中乃佔國會議員當選者六人。

(三) 特別車歸國

一九一四年歐洲戰亂初起列寧居於奧大利之古拉哥指揮俄國之革命運動。奧國官府以俄探之嫌疑捕之嗣知其與俄政府無絲毫關係乃得釋因赴瑞士至一九一六年三月止皆居瑞士之邱鄧尼西地方旋聞俄國革命之成功欲歸本國而法政府不許其通過因瑞士社會黨員蒲拉天氏之盡力同志

三十人皆經德意志而歸國。德國以特別車爲之護送，曾面謁德皇，因惹起種種之議論。彼時俄之外交總長米留可夫（立憲民主黨首領，二月革命主動者之一人，見本書第二第五兩章），極反對彼等之歸國，而司法總長凱林斯克，則謂既頒大赦之令，凡政治犯概行釋放，無可以不許列寧等歸國之理由。不知他日奪凱林斯克之政權者，即列寧也。列寧既入俄都，即從事於宣傳革命之運動。其時爲英國政府所扣留之却羅斯克亦適歸國，乃相謀而爲顛覆政府之圖。於「真理」日刊中大鼓吹社會主義之革命。其後却羅斯克一舉而握勞兵會之全權，遂倒凱林斯克之內閣，而組織勞農政府。當時之閣員，如下所列。（即人民委員。）

- ▲委員長列寧
- ▲外交却羅斯克
- ▲農務繆卿
- ▲勞動守里蒲尼可夫
- ▲工商諾京
- ▲郵電亞威罰夫

▲民族獎額修拉伊里 ▲食糧忒再德羅威斯基

▲教育那爾查兒斯基 ▲財政斯克再魯皂夫 ▲司法阿樸可夫 ▲陸海軍

安脫諾夫、蒯林克、堆平克

現任外交者爲啓奇愛林而却羅斯克則改任陸海軍矣。

(四) 列寧之真價

列寧之學問、熱誠、手腕、以及種種態度。評者不一。觀其革命之成績，以爲此紛亂疲敝之俄國，又遭各國封鎖之政策，然尙能支持不墮，從饑餓中着着進行其主義與手段。吾人且勿下贊否之判斷。然毅力才能之過人，則無論贊否，兩方皆不能爲之抹殺者也。綜觀列寧之立說，並非爲新思想之創造者，惟其可驚之力量，能將已發見之新理想徹底實行，且彼確信民衆創造之力爲無限，故不拘一偏之局，而敢爲澈底大改革之舉。其真價即在於是耳。前年八月三

十日之夜於某處集會席上。曾有某女子對之狙擊。彼乃告人曰。「余不以死爲可畏。現在及將來皆無畏死之事。」云云。彼心目中祇知有革命而已。換言之。彼之凡事猛進。欲澈底實行。已爲馬克斯等所發見之新理想而已。

第二十四章 鄂羅斯克評傳

(一) 學生時代以來之政治運動

却羅斯克亦如烏利亞諾夫之變名爲列寧。其原名曰里翁蒲拉烏斯泰。想生於黑海附近凱松州之某地。既退學於中校。入彼得格拉大學。亦未畢其業。彼自學生時代以來。即參加於政治之運動。長於文才。鼓吹革命之著作頗富。俄日戰爭之後。一九〇五年莫斯科之暴動。彼曾對於俄國帝制爲激烈悲壯之演講。因是處無期徒刑。放流於西伯利亞。羈身獄舍。頻爲脫險之計畫。先竊取獄吏名却羅斯克者之旅券。彼之丰采。適與該獄吏名却羅斯克者相似。因得

自晦其姿。不爲監守者所覺。遂脫出西伯利亞之獄。列寧之變名也。以美人却羅斯克之得名也。以獄吏可謂無獨有偶矣。自西伯利亞而走奧大利。居於奧之維也納者七年。爲勃牙利社會民主黨機關報『那羅德』之通信員。以甚微之收入支持其生活。法國某雜誌曾爲紀載其大畧云。『彼之厲所。其質素實爲無比。室中之裝飾。惟有壁上之俄國地圖。與無數關於社會主義之書籍。爲之侍者。乃一伶俐之美人。與却羅思克不啻一對少兒女也。』

(二) 曾爲多數派與少數派之調和者

本書所述及俄國社會民主黨。分爲布爾薩維克（多數派）與孟薩維克（少數派）兩派。却羅斯克今雖爲較諸列寧尤爲激烈之人物。然曩時。彼曾爲多數派與少數派之調和者。商諸列寧。圖兩者之復合。而列寧拒絕其提議焉。其後彼赴瑞士。更遊巴黎。創刊『吾等之言』一新聞。宣傳革命主義。攻擊法

國社會黨員亞爾佩爾妥瑪及雷諾忒爾等。嘗爲被中產階級所收買。或又痛斥英法之首相。指爲欺詐之徒。新聞遂以禁止。且令其退去巴黎。彼乃至西班牙。大受該國之虐待。並投之於獄。輾轉護送。至於歐羅巴南西之半島。更設法而自由渡航於美國之紐約。仍爲不斷之活動。爲「新世界」社會主義之新聞執筆。又投諸優俳之羣。至俄國三月革命勃發。俄皇退位。政治犯人皆遇大赦。彼乃倉皇歸國。途中復被困於英賴。美國社會主義者之援。俄國臨時政府之司法總長凱林斯克亦爲交涉而釋其歸國。一旦手握勞兵會之實權。遂與列寧合力。以造成今日俄國之新局。

(二) 自外交而海陸軍

布爾薩維克成功而後。却羅斯克一躍而爲外交長官。對於協商各國首提議一般休戰。主張非合併。非賠償之講和。一方將外交部一切機密悉歸掌握。陸

續發表外交上之秘密文書。與德國單獨講和。直行開始。然德國之要求。殊出於意外。不允則德軍且迫於俄都。却羅斯克與列寧忍氣吞聲。簽字於對德講和條約。至是却羅斯克等對外對內。頓覺武力之尙不可少。前年三月。彼乃自外交長官轉任於海陸軍。行軍事上之根本改造。整頓赤衛軍。一新俄國軍隊之面目。

却羅斯克蓋確信社會主義之主張。而徑情直行。一切不顧之人物也。惟心服列寧。曩之對列寧言調和者。今乃聽受列寧之調和。不少兩人。先後態度之迥殊。亦可異矣。

餘論

本書所述勞農政府之設施。及其三年以來之經過。固多可抱樂觀之處。但讀者尙須對於今後之新俄國。時時注意。繼續研究。以觀察其前途之趨勢。蓋共產主義之新俄國。其進行困難。障礙重重。自不待論。如人種之複雜。（現在猶太人最佔勢力）舊時宗教勢力之潛在。外交之壓迫。（如因封鎖所受之痛苦）國民教育未普及之不易。施行政策。皆足以增其困難之點。況由資本主義一變而爲社會主義。乃世界空前之盛舉。不易達其目的。豈非意中事乎。據列寧最近之談話。謂顛覆舊制度與建設新制度。皆須相當之年月。非短時間。所可驟至。且預料應用電氣於農業工業。以使共產制度實現之計畫。至少須以十年爲期云云。然則以一時之順逆。而遽斷定新俄國之前途。或更推論而斷定社會主義是否可以實現之前途。皆不免輕率武斷。乃讀者諸君所宜留

意者也。

新俄國之研究完

附錄一

(一) 美國派使勃烈脫之報告 (William C. Bullitt)

按勃烈脫氏等於去年二月末奉美政府內命赴俄。此報告書乃發表於美國上院外交委員會者，有供吾人參考之價值，固不待言。篇中所記為去年之情形，最近之俄國，已更有進步矣。
(嘉定吳定九譯)

●經濟狀態

今日（去年）俄國之經濟狀態異常困苦。其所以致此之由雖因海陸之封鎖。實則運輸機關之缺乏為其最大之原因。火車之足供行使者僅及戰前四分之一。煤炭煤油及煤氣之供給絕跡於勞農政府統治下之俄國。於是使用蒸

氣與電氣之交通頗爲阻礙。陸上之氣車與卜爾額河中煤油煤氣之發動汽船殆有不能駕駛之勢矣。

運輸機關既若是其缺乏。於是由于各地方供給至莫斯科之穀類。每日需百貨車者。實際上僅二十五貨車。彼得格拉市需有五十貨車者。僅得五十貨車而已。境遇既苦。勢不能不驅市民之男女及兒童等於飢餓之途。死亡率之最大者。爲嬰兒及產婦與老人。而人之患病者。亦每有因缺乏醫藥。由疾病以傷其生者。至塞扶斯與天然痘。則不會爲莫斯科與彼得格拉之流行病矣。

產業則除製造彈丸與火藥之外。都陷於停止之狀態。運輸機關。則都不用於運送糧食。而以之輸送兵器。故融通普通之產業。其道沒。由現勞農政府統治下之俄國。鉄與棉花之供給。亦已斷絕。今原料中之尚有十分供給力。以爲產業之用者。僅麻與木材耳。

雖然物資之供給雖若是其缺乏，但勞農政府皆能善用之而無遺棄。火車則規則儼然，守一定之時間以運轉。食物之分配亦周遍而無遺漏。近則技術家與經紀家已恢復其舊時之業務。同盟罷工以及勞動者之怠業亦已善為防止矣。

●社會狀態

革命之破壞時代已去，政府乃銳意於建設之事業。恐怖之時期已過，政府乃剝奪因鎮壓革命運動而設置之臨時裁判委員會之判決權。故該委員會之名義雖存，但祇有告發嫌疑者之權利。其判決權則已歸諸正則之裁判所矣。以是死刑逐漸減少，秩序業已恢復，砲聲不聞，市街平靜，盜賊、斂跡、娼妓絕影，蓋已恢復其舊日之家庭生活。外傳女子國有之說實為虛妄。

劇場之奏演歌劇與舞蹈已如平日。并分設數千之學校於各地。而勞農政府

對於人民之教育以一年半之功殆足抵薩政府（俄舊帝政府）五十年之設施也。

●政治狀態

勞農政府組織之根本雖未十分鞏固但頗受一般以飢餓爲生活者之歡迎與援助此實最可驚異之事也故俄國人民對於其自身所取之困苦不歸咎於其政府而歸咎於封鎖及採用封鎖政策之聯合國政府且以勞農政府爲其革命之紀念推原原因以俄國此種政體苟用以施行不義及壓制人民則有惡劣之結果若用之於今日之俄國則非但適合於俄國之要求且足以得一般民衆之心此所以俄國人民有婦人忍飢男子忍死以擁護勞農政府之現象也

共產黨（即布爾薩維克日本稱之爲過激派今俄國已名爲共產黨）之地

盤已極堅固。聯合國之封鎖與干涉其結果乃爲驅逐反對共產黨之孟薩維克（少數派）及右翼革命黨而援助臨時共產黨。蓋以此等反對黨對於聯合國之封鎖與干涉及援助反過激派政府之政策早已發宣言指摘其非而首領波爾斯基與麥爾特夫尤熱心議和要求解放封鎖者也。

今日對於共產黨唯一猛烈反對者爲過激之左翼革命黨與盧無黨。此二黨者常分布印刷物稱列寧與蒂吉林爲聯合國所雇用之波羅亞巡查而對於共產黨以厚祿雇用之舊波羅亞階級之科學家及技師與經紀人並任爲高等之士官等非常憤慨而對於共產黨之有與聯合爲講和之趨勢亦頗不滿焉。

共產黨內部之對外政策有二種相反之意見雖不至使黨內有分裂之象而其互相反對實已明顯。其一即爲却羅斯克以下之軍人及多數之理論家謂

赤衛軍苟向各方面逐漸侵入、以惹起聯合國猛烈之干涉、則英法勢必至於革命、其一則爲列寧與蒂吉林以下共產黨之大部分、謂日下當務之急、爲救濟俄國玻羅爾達里飢餓之命運。即以其感化之力、救濟歐洲一般之玻羅爾達里、蓋以赤衛軍縱能征服全歐、而美國苟以兵糧攻擊爲報、則俄國亦必陷於困苦之境。故不如稍爲犧牲一時的理想與主義、以博美國之歡心、爲計較得兩方之意見、雖有不同、而以列寧民望之隆、却羅斯克一派、雖不滿其所主張、然第亦服從之。

列寧之政策、於實際上雖爲俄國政略之要着、但由社會主義上觀察之、列寧恐亦不免有不喜此種妥協之感。祇以不得已而出此耳。現彼等對於妥協案所取之主要政策、爲土地國有、以分配於農民、設立三釐利息之貯蓄銀行、承認外債之責任、及於必要時割讓利權、以圖外資之輸入。

約言之列寧之對外政策縱令其從理論上退五十步以與各國相見在所願也。

●講和提議

當余調查之際列寧曾宣言（關於講和問題）勞農政府之地位却羅斯克以下之軍人雖高唱反對然亦無他種爲難故列寧之意見得通過於勞農政府之執行委員會而交付余之意見書亦得經全體一致之可決也（此種文件以尙須有守秘密之必要深以不能發表爲憾）

●結論

余謹以下列之結論提出之於左。

(一)今日之俄國除用武力干涉外無設立非社會主義政府之希望但由外國武力干涉所成政府之運命將與武力干涉之撤退而同時消滅若以

社會主義的政府、適合俄國之運命、則列寧派之共產黨、蓋爲其中之最緩和者矣。

(二) 於革命政府未能講和以前、歐洲（或竟全世界）無平和之希望。而余所致送於勞農政府之講和提議、可謂爲公平且合理的平和機會。

(三) 解放封鎖與勞農俄國以順流的物資供給。於支配俄國之民心上、較之封鎖爲有效。何也？以杜絕物質之供給、非但足使彼等生恐怖之心而發生反動。且排斥共產黨之反對黨亦急求物資之有供給、始得挽回其頽勢也。

(四) 由上述之理由、余因鼓吹應諾勞農政府提議之大綱、而速與之開始和議。但勞農政府之提案、須照聯合國政府之保守意見、以不招相對國之反對爲度、加以多少之修正（下畧）。 威廉西勃烈脫謹白

●細論

▲火車 戰前之俄國所有火車共二二〇〇〇輛。而今日足當行使者，因戰爭及補充不足，與日常破損之故，僅存五·五〇〇輛而已。破損者既缺補修之材料，無又製造之設備。於是得以繼續使用之車輛益少，而益形困難矣。

▲煤炭 供給俄國以煤炭之途，早已繼絕。柏爾姆之煤礦，爲苦爾却克所佔據（今已收回）。獨納基之煤礦地，爲特尼金所佔據。而特尼金退却後，地方之煤礦設備，又全爲其破壞。以是火車以及發電機之運轉，不用煤而代以木，致費財勞力而效力薄弱。

▲煤油、煤氣 柏克之煤油出產地，自爲英國佔領以後，煤油之供給完全杜絕。今所見馳行道路上少數之汽車，悉供政府之用，俱代用煤氣以運轉之。

故汽車之破損與停動者爲數日多。而國內之水上交通以前都用煤油煤氣發動之汽船今則卜爾額河中及其他之流水無何等交通上之援助矣。
▲食物 莫斯科及彼得格拉之市民皆有飢色。政府中之有職者亦枵腹以從公。即列寧自身及兵士勞動者等亦莫不忍飢以度日。供給政府職員飲食之旅館其菜單非常簡單。早餐爲黑麵包自小半斤至半斤佐以無糖之茶。中餐則爲湯及魚一小片肉少許加以野菜及無糖之茶。晚膳則以早餐所餘之物充之及清茶而已。

糖牛油及雞肉之類俱自惠克拉尼亞地方運來然其價甚昂。而秘密販賣之牛油一片須值一百四十盧布。此種奢侈品苟爲政府所沒收則必送至學校以饗學童以政府對於兒童正極力設法使其一日必有一次之美食也。

經營法。勞農俄國之現狀雖若是其慘愴，但政府則以敏活之手腕利用其有限之物資，如莫斯科與柏特羅葛蘭特間之火車，雖用木材以爲燃料，但其行駛之時間非常正確而有規則。余曾二次往來其間，俱費十三小時，較諸戰前之十二小時，僅差一小時耳。

食料之管理亦甚周到。飢餓與奢侈從未見有相伴而行之現象。國民雖呈飢色，但強弱不分，其飢之程度等也。

政府又極力羅致舊制度之技師與經紀人，使之服役於政府管理之下。其結果乃有多數之舊技師與經紀人，爲政府而勞動。此等舊技師一年之薪金，有至四千五百達拉之巨者。但列寧之歲俸僅一千八百達拉耳。此種異狀之現象，實爲臨時妥協政策之結果。蓋政府之方針，凡對於奉共產主義之人，則其勞動之報酬，由政府所規定之金額而支給之。若於必要之時，而

招集反對黨之技術家或有經驗之人，則給予以臨時之薪俸也。

現政府對於勞動者之怠業力爲嚴禁。以是凱林斯克時代所目爲難問題之勞動怠業現已絕跡。而工場與軍隊雙方都有整列之規律也。

死刑 赤衛軍之恐怖政治今已告終。在恐怖時期中臨時裁判委員會所執行之死刑數彼得格拉地方爲一千五百、莫斯科爲五百、其他各地爲二千。總計爲五千人。此數與槐特羅大尉之報告相符。予自身亦嘗徵之勞農派與非勞農派各方面之意見知此數之無甚大誤也。而舊黨方面則僅芬蘭南部一處經孟納哈姆將軍之手不依何等之裁判而被處死刑之男女勞動者等達一萬二千人焉。（按以此比較則舊黨與布黨誰爲殘忍無人道乎。）

秩序 莫斯科與彼得格拉之街道其安全不減於巴黎紐約但稍呈懶寂

之景耳。所有小商舖俱已閉歇。而國營之大雜貨店則增設不少。彼得格拉之戶口雖減至半數。而莫斯科方面則比之戰前有加倍之觀劇場之演臺。歌劇與舞跳乃歸教育部經營。已恢復舊觀。所演者都爲文學的藝術。而予勞動者及婦人女子以同等觀覽之機會。蓋預爲教以美術之地位也。

▲風化 娼妓之影已見絕跡。蓋於經濟上無存在之理由也。家庭生活亦復舊狀。予嘗以女子國有之事詢之列寧蒂吉林及利蒂菲諾夫。而彼等則哄然大笑。此種哄笑實爲否認其事之表示。蓋今日俄國之尊敬婦人實可謂世無其匹。而與外傳者適成反比例也。予行抵彼得格拉之時。正爲尊妻尚母之紀念日。

▲教育 教育部之指導者爲羅納加爾斯基氏。其所設施實足驚異。將俄國文學史上之文學書定必印刷三五百萬部。以廉價分佈於一般之社會。此

外則於全國新設數千之學校。以教男女與兒童。又以昔時之宮殿。作為勞動者與兵士等之俱樂部。至關於教育之電影。則所在開演不絕。而美術館中。則隨處都有勞動者聚聽。關於繪畫彫刻美術之說明。更可驚異者。則為教育殘疾與神經遇敏之兒童起見。設立特種學校。專教以音樂圖畫及彫刻與詩曲。以助長其特具之天才。聞其結果頗佳。而此種兒童之得以發揮其天才的才能者甚衆。間亦有治療其神經遇敏之病者。

▲道德、心、共產主義者。對於其主義之信仰。殆視爲宗教。余曾參列於勞農政府在彼得格拉所開之第三萬國社會主義之紀念大會。見其一致之熱誠感情空氣。誠有他種宗教集會中想像所難得者。余見隣座之青年。面有飢色。因就而詢之。彼則曰。爲援助革命之運命計。雖再忍餓一年。亦所甘心。此種心理。固不僅一青年也。

▲反對黨領袖之意見。右翼革命黨之首領霍爾斯基氏曾語余曰、各無國論、以若何之形式干涉俄國、其結果總足以增長布爾薩維克之勢力。其故蓋以苟外國而加以干涉、則我人雖爲反對黨、當亦以同爲俄人立論、以擴獲革命、拋棄反對、而投誠於現政府之旗下。况聯合國而援助欲頃覆勞農俄國之野心家、則卽爲干涉內政、其目的與以軍隊直接侵入俄國初無稍異。故聯合國而能拋棄此種干涉、承認勞農政府、而與之結和、則俄民之意志、即能表現於世。而波羅亞與布爾薩維克、卽能同時排除之也。苟苦爾却克或特尼金（舊黨）有勝利之希望、（今已絕望）則其勝利實爲以暴易暴。正足使荒廢之俄國士崩瓦散、而終陷於無政府主義。聯合國當已得威克拉尼之教訓矣。反過激軍佔據威克拉尼之後、並以非過激派而驅逐之。卒使非過激派亦歸於過激派。故苟布爾薩維克而遭此不幸之時機、則

我反對黨當亦仇視波羅亟之專制政治、與力與戰鬥、以援助現政府矣。聞革命之祖母波蘭歇古卜斯加耶氏、有力促美國出而干涉之舉。實則彼於國民會議（被凱林斯克時代所解散）與革命黨無何等代表之權。彼之求美干涉者爲彼一人之意見。我等則已宣言不許有直接或間接之干涉矣。

孟薩維克之首領麥爾特夫氏、則曰：我黨對於所有外國之干涉、無論其爲直接或間接、俱爲反對。以干涉者足使武力與精神發揮於革命最惡之方面也。承認勞農政府而與之謀和、非但於軍事上之要求爲不可緩。即如以我黨臨時國防上立論、亦以援助布爾薩維克爲盡我等反對黨本來之使命也。彼歡迎干涉者俱爲反動家。我等則排斥反對家、以援助革命之成功。而舍棄臨時政見上之相異與布與薩維克結合者也。麥爾特夫并謂苟能

抵於平和則國民生活之要求自能臻於改革之境云。

▲軍隊 今日（去年四月）勞農政府之軍力約在百萬與一百二十萬之間其兵士之全部幾盡爲自十七歲以至二十七歲之少年以三種分子組合而成第一分子爲共產主義者佔全軍之大部具有十字軍之熱誠與信仰勇戰奮鬥第二分子爲愛國者其於戰事不如第一分子之奮勇第三分子爲以軍隊中得有多量之麵包而從軍者故其對於戰爭最爲下劣其下級士官都由勞動界中選拔勇敢而加以訓練者充之上級士官中則加以若干之舊士官在共產主義監督之下而任以重要之任務規律嚴肅士氣激昂其軍隊蓋已非如薩政府時代俄兵之顏色而有自由人之氣概見親於人民與美國兵類似矣予在彼得格拉時曾參與一萬五千人之觀兵式但見其軍容齊整兵裝及鐵砲與機關鎗輕裝砲等之設備亦甚完善所缺

者祇重砲、飛行機、及流動火藥等、最新式之武器而已。據一般人之言曰、凡地方之曾經傳佈勞農政府之制度、而見覆於敵人者、必歡迎赤衛軍。以是此種地方之徵募兵士、最為容易。赤衛軍者、由却羅斯克氏所編成、為却氏得意之事。但赤衛軍中之有才能者、居恒傾向於恢復其平時產業之事。故却氏嘗曰、苟和議可成、當即解散軍隊云。

▲列寧之人望、列寧之人望、殆無倫比。大有以其人望而自置身於獨裁者*Dictator*之地位。現俄國已有種種傳說、謂列寧為豫言者而尊敬之、並以列寧之肖像與卡爾馬克斯之肖像並列、且不以列寧與却羅斯克相提並論。以俄人目列寧為特別之人、却羅斯克則僅為庸中之佼佼者耳。

余在克蘭姆琳訪問列寧之時、適其與農民代表會見之中、代表中之一人言曰、聞村人言、列寧枵腹從公、故不遠數百里而來、送此八百片之麵包、以

爲村人之贈物。此事之前，亦有一農民代表，因聞列寧之耐寒而事特運火爐一架，及足供三個月之煤炭，以贈列寧。此種贈物，惟列寧足以當之。而列寧則以之轉輸之於共產資源之中。於此可知，列寧實爲不能忘懷於人之人，且具熱誠而兼備沈靜與人情者也。

▲讓與利權。勞農政府對於以利權讓與外國，固痛感某事之危險。但間亦有以不得已而讓與於人者。列寧以下政府員之意見，則謂封鎖雖已解放，然不與英美二國及其他之外國成立貿易信約，則事無可爲者。然今日之俄國，除少量之黃金與白金及麻與木材之外，已無足爲輸出品者。而此黃金之類，又不足以之與外國交換。其所需之物，則除信用借入外，別無他法。但欲信用之確立，須由勞農政府先承認其對於外債之責任。使并此而亦不能成功，則勢必達於割讓利權之運命矣。

附錄二

●列寧與紐約世界報特派員林康阿耶談話

冷靜的政治家 勞農政府隊領列寧不大歡喜會見「資本國」底新聞記者。但是我（阿耶）呢。幾日前在莫斯科克烈林宮殿和列寧會談足有一小時之久。列寧和我底談話與其說爲公式的會見不如說爲茶後雜談。至於談話底範圍包括經濟問題、政治問題、軍事問題及今日俄國內重要的一切問題。

所謂「資民底獨裁官」的列寧在這個會席上拿一種事務家庭態度。殷勤暢論。他是一位冷靜的政治家。不像世人所想像底那樣激烈的、熱狂的、獨斷。

的英雄。總括說一句。他是政治家。又是策士。同時又富有財政的手腕。他說底話。精透入微。不得不令人佩服。他到底不是一位從根本上破壞近代文明底人。

列寧與却羅斯克。列寧談話。非常鎮定。不知道底。還以爲他是保守黨底首領呢。他底態度。是冷靜的。傍觀的。他的言辭。是諷刺的。嘲戲的。他一身充滿了敏銳的感覺。從物質上說。列寧同他底股肱却羅斯克間。很有懸隔。列寧還覺得藹然可親。若却羅斯克則老氣橫秋的。好像冰底結晶體。列寧像一位老婆婆。却羅斯克像一個猛虎。布爾塞維克派中底少壯者。畏敬却羅斯克。而景慕列寧。就是因爲這個原故。就是從非難攻擊旁人這一點看來。列寧和却羅斯克都有大大的區別。出乎却羅斯克底口底。只有痛罵。列寧則爲一種暗地的諷刺。一言以蔽之曰。却羅斯克是機械的。列寧才有人氣呢。但因爲列寧太有

人氣反較却羅斯克難於接近。列寧住在克列林宮殿中好像世外人底生活。和他接近底只有他底夫人四位妹妹還有一個可愛的小貓兒。其他要會見他底人非經過三重四重底警護的衛隊不可。近來又製了三種不同的入門證。要用這證才能與列寧見面。從克列林大宮殿五個扼要的地方起直到列寧底居室。大隊的步兵刀鎗林列。一行一行的排列站在那裏。我也是經過許多煩難的手續通過許多步兵隊的一人。當日同我一齊會見列寧底還有一位電影院技師鳩布士。鳩布士君是同我一塊兒進俄羅斯底好伴侶。我們沒有什麼困難。無事的通過守護兵底防線。

樸實的居室。從前莊嚴璀璨的皇帝所居的這個克列林大宮殿。自從布爾塞維克黨得天下後。荒煙蔓草不勝淒涼了。我們在那不很乾淨的廊下一間小房。被風吹着。等了一點多鐘。好不容易接見列寧他老先生。（會布爾塞維克

底首領稍等一點多鐘。這並不是什麼怪事。又十分鐘後。一位小身材的駝背婆婆。這位老嫗。是列寧最信任的秘書官。引導我們進列寧底居室。房子倒不甚寬。壁間底裝飾。盡是字畫。不像却羅斯克底應接室那樣的好看。列寧看見我們。連忙從沙發椅子站起。和我們握手爲禮。開頭鳩布士君即說到電影事業。大家談笑。鳩布士又談到他攝有巴黎和會底凡爾塞宮底影片。及當時情形。列寧很願意聽似底。

列寧與「威爾遜」
列寧不同鳩布士談話。轉來問我（阿耶）他說：「呀。你是紐約世界報底特派員嗎。是那個美國政府底機關報嗎？」但是他決不說「美國政府底」、「威爾遜大總統底」。這是可注意之點。老實說。他決不會把威爾遜掛在口上。他最不願說到美國大總統底事。

列寧底骨相及風姿。鳩布士此時請列寧端坐。替他攝影以留紀念。列寧微

笑照鳩布士所請。身體一點兒不動。我乘這個機會才得研究被世界憎惡恐怖爲愷撒以上的大怪物列寧。

頭髮已開頂了。凝視的眼睛平的鼻子厚的嘴唇蓬然帶赤色底斑白的連腮鬍子。這些都是列寧底專有物。雖不能說他項醜。也是一位極鹵莽的男兒。但是他的鹵莽決沒有什麼毒意。不愉快。他那個很平寬的額。十足可以表出他是一位思想家。

他底服裝。不甚合式。白領上帶有污痕。（雪白的領子在俄羅斯不能多見）

黑色領巾。褐色的事務服。棉製的短褲。穿一雙長靴。遮到膝蓋骨。好像這種服裝。不適合於勞農政府底首領似底。因爲這完全是煉瓦工人穿底衣服。

列寧對於聯合國底態度。列寧不是雄辯家。他純粹用英語會談。他能分別英國話和美國話不同的地方。

他關於聯合國決定撤廢對俄封鎖底報告說。

「聯合國底決定是有真正的誠意嗎。他們一邊只管這樣說。一邊又從波蘭爲攻擊我們的準備。他們想通過俄國生產消費協社之手。開始和俄國通商。這種提議。或者是真實的。但是生產消費協社不是早已沒有了嗎。該協社的職事。早已移到勞農政府的手裏。那麼聯合國要和生產消費協社攜手。真是一件怪事。」

列寧說到這裏。不禁冷笑一聲。接着又說。

「聽說福煦快到莫斯科來了。這更是出我意外。」

我問列寧：「從波蘭攻擊布爾塞維克軍。是難是易？」列寧答。

「你問得不錯。克列曼索和福煦都不是好惹的人。克列曼索想從波蘭攻擊布爾薩維克軍。吩咐福煦統率。這當然是一件大事。但在我們比這樣更

大的事還多得很呢。我們對於聯合國要攻擊俄國還不害怕。我們最可驚的就是聯合國到現在還不覺悟其愚這一點。波蘭來底新攻擊是用哥薩克軍嗎？哼！別要再出醜了！」

我講到現在各國慢慢地要對俄講和起來了。列寧說：

「是的呀。對俄講和是對俄通商底附帶條件。聯合國中無不要通商不要講和底道理。據我所聞。代替克列曼索底米爾蘭很贊成和俄國開始通商關係。米爾蘭或者是教訓資本家以一條新道路啊。但在英國還有像邱吉爾那樣頑固的人。魯意喬治暗地裏雖和我們要好。然因爲空怕與邱吉爾一派底政治家財閥絕緣也不敢有毅然的決心。」

列寧底氣焰萬丈。列寧底舌鋒轉到美國。他說。

「亞美利加是怎樣一個情形。我還不十分清楚。聽說美國底銀行家到近

來非常害怕我們。又聽說美國政府對於社會主義者有極其嚴重的取緝。
但在美國一部實業家以爲和俄國戰爭不如和俄國講和開闢俄國底富
源反爲有利。這是他們底覺悟呵俄國實在是很望得到美國製底機關車、
摩扥車。」

我問「那麼勞農政府底講和條件是……」列寧高興地答道「我們底
講和條件現在也用不着我來喋喋。因爲全世界的人都有和我們講和底
願望。並且承認我們底條件極爲妥當。我們也屢次聲明希望和各國講和。
並且屢次力說講和底必要。對於外國底資本情願提出寬大的讓步保障。
但是我們並沒有這種意志。就是聯合國縱然絞死我們。我們還是求和平。
……」

講到此處。列寧略爲停頓一下。兩眼浮滿了皮肉的微笑。他又繼續說。

「我不知道這個理由。就是社會主義的俄國爲什麼不能和資本國交際。從前連現在美國一口否認的布爾塞維克勞農政府現在反將和他所恐怖的對象遲早要通商了。如果聯合國最高會議真真的有撤廢對俄封鎖底意思那麼爲什麼不將此旨通告勞農政府。這個消息在巴黎並沒有鬧大。不過是一點小風聞罷了。」

列寧底臥室。這時候鳩布士要求列寧底全家庭共攝一影。列寧概然允諾。立時引導我們行經廊下走過兩處號兵屯駐所。穿出五間連房底。列寧臥室及寬廣的食堂才到很大很樸素的應接室。謁見哥姆列特烏里阿羅拉。就是列寧夫人。

列寧夫人。列寧夫人是一位幽淑的中年婦人。比起伊底丈夫還現出一層貧民階級底樣子。夫人能說歐洲四國語言。關於普通知識。如數家珍。忽然一

個可愛的貓兒。從夫人背後跑到列寧底膝上。列寧在此繼續前刻所說。

「聯合國和美國底政治家先生們。好像不以俄國底經濟的困厄。就是世界底經濟的困厄底一部分。像這樣大的經濟問題。不從世界的立腳地去考察。僅以此爲某某國內底事件。或某國與某國底共同問題。那麼到底不能解決底。除開俄國。歐羅巴是不能獨存底。歐羅巴不能獨存。美國還有存在底理由嗎。美國底錢是什麼。如果到了有錢沒有東西可買底時候。又怎麼做。美國縱然貯蓄多少金錢。決不能硬吞下去。也決不能當衣穿。無論如何。美國一定要在歐洲買必需品。但含有俄國的歐羅巴。如果經濟不能復活。試問歐洲能供給美國底必需品嗎。哼。恐怕未必啊。」

俄國與歐洲。列寧又繼續說道。

「俄國除產多量的小麥、麻、白金礦等類外。又產許多有用的礦物。爲現在

各國渴望不置底。無論俄國是不是在勞農政府底支配下世界各國。如果要享受這些物資。自非仰受俄國供給不可。但是現在歐洲及俄國。陷於破滅的逆境。而聯合國最高會議底態度。依然固執不通。雖說救濟俄國及歐洲是有點望頭。但是這種救濟。非趕急舉行不可。可憐那個最高會議態度。真是從容啊。據聞將要解散最高會議。拿國際聯盟作他底代理。而美國偏偏地又不加入那麼國際聯盟。還有存立底道理嗎。

列寧底豪語。我轉話頭。問列寧對於布爾塞維克軍底戰績。是不是覺得滿足。列寧說。

「我對於我軍底戰捷。我底心中。實在是很滿足。現在還留到底。我們底唯一。的敵人。就是前面說底。從波蘭方面底攻擊。但是我想他們底結局。一定失敗。」

列寧現出一種冷笑底樣子。旋又正襟而談。

「不用說。聯合諸大國底勢力。很爲強大。聯合國如果舉其兵力。殺到俄國。布爾塞維克派。除了潰散。別無他去。——但是聯合國到底不能將這樣大的遠征軍。遣派俄國。何況我們俄國。在外交上。思想上。都有博得一大勝利底勝利呢。現在芬蘭。不是看不起聯合國拒絕和我們戰爭嗎。我們又與埃及特里亞言。和塞爾維亞。及里士阿尼亞。和我們講和底締結。也近在眉睫之間了。你看吧。這些小國。不受聯合國底物質的誘惑。無理的脅迫。而與我們攜手。這樣事情。不是證明我們有絕大的不可侮的精神的勢力嗎。波羅的海諸國。明明有這意思。以爲只有布爾薩維克的俄羅斯。是不脅迫他們底獨立與安寧底唯一的邦家。」

內政問題。我底質問。又移到內政問題。列寧答。

「俄國國內底狀況。今雖頻於危機。然尚有一條希望。只要等到今年春天。食料品底不足。可以緩和。都市底饑饉。也可以救濟。薪炭也會十分潤澤。加入改造時代。赤衛軍底一部已組爲勞動軍。由理想進爲實現。這到底不是資本主義國家所能做出底偉大事業。我們對於武裝的敵軍。只有奮戰一法。我們底奮戰。是爲着今後國內經濟生活底確立。」

我又問：「那麼俄國共產制度完成底時期……？」列寧答。

「我們想把俄國全體底產業組織。依着烏拉爾山中底水力。拿電力來活動。專門技師說。完成這事業。足要十年。這種計畫如果完成。眞是開共產政治上一種紀元呀。一切工場同受莫大的電力底供給。那麼可以確立經濟的產業底基礎。共產主義底實現。實在此種事業完成底時候。」

列寧又就歐美兩大陸底社會主義者。大事批評。他對於他們底能力。完全不

置信用。他們果有煽動世界革命底誠意嗎？沒有嗎？還是一個疑問。他說：「對於布爾薩維克主義，不管有多少障礙，但是一定可以傳播世界各國底。」

附錄三

◎遠東共和國宣言書

日本主張於西比利亞設立緩衝國，以與勞農俄國隔離。茲果見俄國遠東共和國之成立。聞新政府之外交總長克拉斯訥西哥夫（Krasnoschekoff）通電我國政府及駐北京各國公使，茲譯其原文如下。

日本帝國政府對於遠東問題所採之態度。五月十一日，駐海參崴日軍司令之宣言，已明白宣佈其所提出之條件。吾等已欣然應諾。依據日司令之宣言，

於捷克軍完全撤退後。尙須在遠東設立一獨立而鞏固之民主政府。以保證住居該地外人之生命與自由及財產。而後日軍方能撤退。遠東各省實爲國際上之重要問題。此種問題關涉於協約各國甚深。非依據國際的基礎。以爲解決其道無由。故因上述種種原因。予以遠東共和國政府名義。認爲此時應向貴國政府及國民與各協約國政府及國民。一爲陳述也。

溯遠東各省。由貝加爾以東。直達太平洋岸。自近二年來。爲國內國外軍隊戰爭之場。佔領的軍隊。及征伐的軍隊。與襲擊的散兵。皆蹂躪吾等之土。以致財產匱竭。民居星散。加以該地毗連數國。密接太平洋。遂至所發生之間題。愈趨於複雜。然遠東之人民。因黨派之戰爭。致分崩離析。因頑固派軍隊之暴虐。致困頓艱屯者。至此時。遂不得不將和平統一之責任。而自行擔負之矣。故吾國人民。以土地遼闊。人民散處。皆決定以爲唯建立一獨立之國家。包括

上述各地設立一強固的民主的之政府。以爲統轄各處之人民。夫而後則今日之間題可易於解決。今遠東共和國之獨立宣言書已由吾等代表所組織之國民會議發布。此種宣言書已樹立吾國之根本法。確定吾國民主制度之基礎。今將原文一份附送貴國。該國民會議今已建立政府。並將議決政綱委交該政府辦理。以聯屬前日分離之各省。使歸於統一。以安集前日流離之人。民。使回復其舊居。以制定法令。改革工人境遇。俾其安心。以從事於建設的事功。並與外國通商。及訂立邦交。而尤與東西兩面之鄰國通商。及訂定邦交。以恢復和平。凡上述各種之任務。新政府皆着手實行。以達其所期望之目的。使我國紛亂如麻之大部分地方。一歸於和平與秩序之境也。

故欲達上述之目的。第一全俄蘇維埃政府之赤衛軍。須於彼此贊成之地點停止東進。第二現集中赤塔之舊黨殘軍。外國政府不可援助。而日本之遠征

隊尤不可援助。第三須使吾國政府得直通赤塔與聯貫後貝加爾，使與遠東各省結合。第四須使吾國得立刻與協約國訂立邦交，拯救危難，俾兩方俱受其益。第五凡外國遠征隊，須一律撤退，俾各種實業得以回復。

凡上所云，皆吾國人民之希望。而於此危急之秋，皆視此為謀和平與統一遠東之唯一方法。故於茲開始媾和，以討論日司令所提議條件之際，予以新政府名義，將日司令之條件，重行申明，而根據嚴格的實用基礎，以與貴國磋商。並依照公平正義，樹立基礎，以為解決遠東問題之標準。希望貴總長速將此宣言書轉達貴政府，並賜以答覆。萬勿於收到該宣言書之後，而默然不為一答也。非尼烏典斯克一九二〇年五月十六日，遠東共和國外交總長克拉斯

訥西却哥夫

▲國民議會宣言書

茲向美國、英國、日本、中國、法國、意國、俄蘇維埃共和國之政府與各國政府各國國民爲下列之宣言。吾等爲後貝加爾地方全體人民之代表於非尼烏典斯克開國民會議。今以全體人民之名義向各國鄭重宣言曰。吾國遭兩年之內亂。地方蕭條。人民困苦。而彼國民所共棄之強盜謝米諾夫與其黨徒。得以擅奪政權。焚殺劫掠。暗無天日。遂致民不聊生。吾國與鄰國之邦交。無由締結。而土地爲協約軍所佔領。吾等處茲危急存亡之秋。決欲以停止內爭。集合分散之人民。以恢復自由及和平爲務。今後貝加爾地方之人民。既推倒彼篡奪政權之苦爾却克與謝米諾夫。故由吾等之代表。對各國而發布宣言。

(一) 所謂遠東之各省。包含後貝加爾州、黑龍州、沿海州、樺太、堪察加及中國鐵路租借區。該地之地理上。及經濟上。關係與俄國政府中樞。距離太遠。故不得不自爲一國。採用共和政體。

(二) 於遠東各地之中。設立一民主的政府。由人民意思所選出之代表組織之。此種政府對於各階級人民皆予以一種民主的自由之保障。俾各人得以和平方法而發展其能力。

(三) 國民會議欲達上列目的。由該會議中選出人員組織臨時政府。此種政府。凡向住居共和國各民族各黨派之代表。皆網羅在內。國民會議並予該政府以軍事上政治上之全權。俾其征討舊黨殘軍。制定法令。組織地方政府。起草法律。召集憲法會議。議決憲法。以樹立共和國家之組織大綱。

(四) 國民會議對於從前苦爾却克謝米諾夫之餘黨。以懇切之心勸其即解除武裝。勿再作犯法暴動之事。並以全體人民名義。担保其身體安全。及安然回家。以從事於工作。

(五) 國民會議。以死刑與吾國人民之宗旨不合。特行宣佈。從此廢止。

(六) 國民會議今由臨時政府代表向各國宣告遠東政府極欲與各國訂立邦交。而對於鄰接各國有多數人民僑居吾國者尤欲與之訂立邦交。吾國之實業交通因內亂之故幾致根本破壞致飢寒之慘常迫在目前。吾等之目的在和平在和平的勞動在與各國訂立邦交在根據民主的基礎以改造人民之生活。對於外人予以一種生命財產安全之保障。國民會議爲恢復和平計劃請各國政府派遣外交代表以締結邦交。今向各國切實聲明。凡吾國之國民皆極擁護政府。俾其恢復秩序設立種種之佈置使最適於和平的生活與和平的勞動。

附錄四

●俄國勞農政府之農業政策（錄東方雜誌）

社會主義者維廉里卜克耐區嘗曰。『社會革命非有農民之贊助。決無成功之望。』誠以都市之工業勞動者縱若何急進。而農民仍主保守。則社會主義者所希望之社會改造。萬不能達也。俄國之革命。能否成功。雖難斷言。然勞農政府所以能維持至於今日。實以得農民之同意。爲莫大之原因。則可無疑也。俄農國也。全國人口一萬六千萬。而農民實居其十之八。此多數之農民。其物質的精神的之不幸。近世文明各國。罕見其比。彼等自數千年來。處於農奴之地位。無人格之自由。經濟之自由。居住之自由。賣買鞭笞。惟地主之所欲。其生活之悲慘。有使人不忍言不忍聞者。自一八六一年農奴解放以後。此奴隸制度。形式上雖已廢除。然農民生活之困難。仍不減於從前。蓋當時之農奴解放。一般農民雖獲得人格之自由。與一定之土地。然其所得之土地。爲極少之共有地。即歐俄三萬九千五百十九萬一千四百四十三俄頃（Dessatine）之。

耕地中爲一千二百二十七萬戶農家之共有地者僅占其百分之三十五而七十五萬人之少數地主乃占其百分之三十故農民土地缺乏之悲呼已非一日。至彼等所以尙得維持其生活者幸賴有村落公有地之制度而已。（參觀本誌第十五卷第九號及第十二號俄國之土地分給問題）此種制度旣使俄國農民保有共產的精神又因土地缺乏之故益覺土地社會化之必要俄國共產制度成立之易即由於此。

革命以前俄國急進派關於土地問題之意見可分爲三種第一立憲民主黨主張強制徵收私有地而與以相當之賠償金第二社會革命黨主張沒收全部土地不給償款由地方自治團體分配於農民第三社會民主黨與社會革命黨之意見畧同而尤主張土地的無產階級（Landproletaire）之利益克倫斯基本隸社會革命黨顧其態度至爲異懦未能決行本黨之主張至一九

一七年十一月列寧秉政。乃以烈風迅雷之手段。發土地國有之布告。勞農政府憲法第一部第一章。即規定勞動階級之權利曰。一為實現土地之社會化。廢止一切土地之私有。作為全國國民之財產。依平等權利之原則。將土地之耕種收穫歸諸勞動階級。此外一切森林、鑛山、重要之水利事業、家畜、農具、模範農場、農業的企業等。悉作為國民之財產。「其他規定土地社會化之法令。尚有二三種。據一九一七年十一月八日第二次全俄蘇維埃會議決議之一。佃田廢止令。」凡大地主之所有地、僧院及教會之領地、私有地。均沒收之。惟小農之土地及哥薩克之共有地。不在沒收之列。此法令之所依據者。為一九一七年九月一日之「土地農民令。」該令之規定如左。

(1) 廢止一切之土地私有。並禁賣買抵押。一切農業財貨。悉皆沒收。歸耕種者之用。其管理由國家行之。

(2) 凡鑛石、石油、石鹽等地下埋藏物及森林、河川等。均作爲國有財產。其非重要之河川。則歸地方團體之用。

(3) 果樹園作爲國家或地方團體模範農場之一。

都布及村落之住宅地、庭園、果樹庭園等。均歸原主所有。其租稅別以法律定之。

(4) 沒收養馬場及家蓄飼養所。歸國家或地方團體之用。其賠償另定之。

(5) 凡沒收地之農具。亦一併沒收。歸於國家或地方團體。但除外小農所有之農具。

(6) 國民不論男女。均有耕作一切土地之權利。但須以自己之勞力耕作之。嚴禁出資雇用工人。惟以家族之勞力或依組合法經營者。不在此列。若農民團體之一人。陷於不能勞動時。則其土地暫歸他團體員之用。兩年

之後仍不能勞動者。則其人即喪失耕作該土地之權利。由國家給以年金。
(7) 國民耕作土地之權利。一律平等。土地之分配。則依地方情形區別之。
但當適應於農家之生產力及需要。

耕作土地之形式。或以家族經營。或以自治團體經營。或組織勞動組合經營。均無不可。若耕作者死亡時。則其土地即作爲「準備地」。此項準備地。由國家管理之。有願耕作者。即從此地撥給。如準備地不足者。則削減各人之餘剩地。首先削減者。爲犯罪人等。此外以抽籤定之。

由此觀之。勞農政府關於土地所有權。係取國有之原則。而關於耕作收穫之使用。則非直接行之。而認家族經營、自治團體經營、組合經營之三種形式者。其所以有此錯雜。乃因參酌舊來習慣與地方情形而然。足見勞農政府對於從來之農業狀態。未能完全施以根本之改造。因此之故。遂致各處發生混亂。

之狀態。雖此種混亂爲變革時應有之事。然不得不謂爲勞農政府農業政策之缺陷也。

各地方裁決土地農民令所載各事項之機關。據一九一八年六月十四日之法令。以小農構成之委員會充之。該法令不特不許村間之債主及富農有選舉權。並對於積有糧食稍富之中農及博取勞銀之農業勞動者。剝奪其選舉權。故富農及中農。對於此項委員會。皆極力反對。此兩階級。今日在地方上。尚有鞏固之勢力。故其反對亦頗關重要。因之小農委員會之組織。遲未就緒。加以小農之中。無智識者居多數。往往誤土地國有爲土地分配。屢次對於大地主。施暴力之攻襲。據其土地爲已有。以致村落間演成無政府之狀態。而此輩小農。又苦於農具家畜金融之缺乏。欲改善彼等之狀態。仍莫可爲力。要之勞農政府之農業政策。不過推翻土地私有而已。其所貢獻於國民之幸福生產。

之進步者，則尙少也。

勞農政府之農業政策，既鮮效果。於是社會革命黨，乃乘此再振其勢力於農村。該黨在革命以前，本得農民之信用。此時既有隙可乘，故煽動小農委員會以外之農民，使之反對政府。其事至為易易。而農村間之紛擾，因之益甚。以至農民均無心耕種。荒田日多。食料問題乃大起困難。總而言之，勞農政府之農業政策，苟循此不變，將不免終於失敗也。

附錄完

原批本 三國演義 平裝四厚冊 定價二元四角

上海四馬路圖書演義局

三國演義是第一才子奇書，我國社會中，差不多家喻戶曉，所以在文言盛行時候，無不奉此白話老祖宗之演義為至寶，實為筆法精奇，文字明白，現在既崇尚白話文字，倘將此書一讀，清晰之白話文字，就可應手而得，不過流行之三國演義，都是轉轍抄襲而來，不免以誤傳誤，本局現照新家弇山經伯南藏本印出，非敢營利，不過願盡文字革命之一助耳，書存無多，購者從速。

大文學家楊塵因著 洪憲演義 亦名袁世凱定 新華春夢記價 大本五
是書可為三國演義之嫡派，記載袁世凱帝制自為和一般歷史，如在目前，有文有武，有聲有色，書中之名字是真名字，書描摹盡致，讀之如在山陰道上，如入五里霧中，文字用白話，尤不可不讀之書。

政
者所
實。

中華

九年八月初版

中華民國十一年三月再版

新俄國之研究

定價大洋四角

著作者 邵飄萍

發行者 日本大阪南區
東瀛編譯社

必翻作有此
究印權著書

分售處

中國各省各大書局

7
179144